



This e-book was digitized from an original copy by the West African Research Association for the African Language Materials Archive (ALMA) project. Original funding for this project was provided by [UNESCO](#) and the [Council of American Overseas Research Centers \(CAORC\)](#) in cooperation with the [West African Research Association](#) and [Columbia University](#).


Please see the following web sites for more information about the ALMA project, contributing authors, and more titles in the series.

- Digital Library for International Research catalog: <http://catalog.crl.edu/search~S16>
- African Language Materials Archive (ALMA): <http://www.dlir.org/e-books.html>
- African language materials including interviews in video and PDF versions, documentary video, translation work, and bibliographies can be viewed at <http://alma.matrix.msu.edu>.



Wasin, Palaaniŋ Familiyaal,

Sidaa, ak Cuugri (kolera)



saar yu-jóge ci téere fu amul doktoor, David Werner
ENDA, B. P. 3370, Dakar, Senegaal, 1997

Wasin:

**Ndigal yu jëm ci jigéen ñi ak
ci saas faam yi 1**

Palaaniñ Familiyaal:

**Nan lanu war a def ngir am
lim bi nu bëgg ci ay doom? . . . 43**

Sidaa ak Cuugri (kolera) 54

saar yu jóge ci téere

**Fu Amul Doktoor, David Werner
ENDA, B. P. 3370, Dakar, Senegaal
1997**

Bu nu ne "raxas loxo" danu ne raxas loxo ak saabu te taamu ca ku nekk ak ndoxam. Maanaam ku nekk jël kopp ndox walla dem ca robine ba ngir raxas ay loxoom. Te keneen waratul jëfandikoo ndox moomu. Su nu bokkee benn ndab ngir raxasu, dinanu jël ak a jox ay doomi jangoro fieneen fii ci raxasu.

Bu nu ne "tångal walla baxal meew walla ndox" danu ne ndox mi war na bax bu baax lu maat fiaar fukki saa. Su ndox mi walla meew mi baxul bu baax lu mat fiaar fukki saa, doomi jangoro yi duñu dee te dinañu ci des.

Nu tekkee saar yi ci Fu Amul Doktoor bu nasaraan bu 1997, ci 1999. Ki jiite liggeeyu piri mi ci kallaamia Wolof: Susie Murzynski. Sunu cant yu tar jëmale ko ci flépp fii dugal seen loxo ci piri mi (nu lim leen ci kaw abajada):

Mbeng Faal, Mamadu Jóob, Aliyun Mangan, Aliyun Njaay,
Faaatu Faal Njaay, Dr. Magget Njaay, Rafayel Njaay,
Seydu Nuuru Njaay.

Xalaat yi nu joxe ci téere ENDA bii ñu ngi yem ci fii ko bind, te du ca génn, dafiy wone xalaati mbootaay téere bi soxal, walla kurecl yi toppatoo wàllu mbind mi.

Nataalkat yi: Usman Si, Tumani Kamara, ak Asirina Opan Mamore
Taape ak jekkal xët yi: Susie Murzynski

Ngir jënd téere bi, jokkooleen ak: Susie Murzynski, 951-3640, 951-1737
B. P. 3212, Cees, Senegaal Fax: 951-2666
walla

ENDA Ceer Moond, 54 Rue Carnot, B. P. 3370, Dakar, Senegaal
Telefon: 823-6391 walla 822-9890

NDIGAL YU JËM CI JIGÉEN NI AK CI SAAS FAAM YI

Baaxu Jigéen

Ci yoon, diggante 11 at ak 16 at la baaxu jigéen di tambaliy feefi, tey dellusi 28 fan yu nekk, waaye léeg-léeg du ko mat mbaa mu ëpp ko. Appub baaxu jigéen dina nekk 3 ba ci 4 fan.

Bu dee janq, dina faral di ànd ak metitu biir te it mën na koy gis ci diggante yu ëppànte. Jafe-jafe yooyu dinafiu faral di am ci janq ji, waaye ñaare du nekk jàngoro.

BU AB JANQ DI GIS MBAAXU JIGÉEN TE MUY ÀND AK METIT:

warul a tëdd ndax téraay bi
dafay yokk metit wi.



Dafa war di dox ak a yëngu.

Su ngeen gisee lu deme nii (476, FAD), dafay tekki ne mën ngeen xool xët 476 ci téere bu tudd Fu Amul Doktoor. Su ngeen gisee lu deme nii (32, LEKK), dafay tekki ne mën ngeen xool xët 32 ci téere bu tudd Lan lanu war a lekk ngir am wér-gi-yaram ak pajum faggu, nan lanuy moytoo jàngoro yu bari?

Mën na naan lu tàng tey dugal
ay tànkam ci ndox mu tàng.



Mën na naan itam ay garab yu
koy seral, yu deme ne aspirin
mbaa antispasmodik (550, FAD).
Mën na dàmp biir bi ndegam laaj na ko.

Diirub fan yi mu gis mbaax, janq bi war na toppatoo bu baax yaramam, di nelaw bu doy, di lekk ci ñam yépp tey jàpp ci liggéeyu kér gi ni mu ko daan defe.

Màndarga yi y wone ne mbaaxu jigéen awul yoon.

- Waroo gi ci àpp yi jigéen di gis mbaax lu jaadu la ci fienn fi, waaye am nay jigéen ñu mu doon màndarga ci fioom, muy wone jàngoro ju yàgg ci fioom, mbaa ag néew doole, ag fiàkk deret, lekk gu awul yoon, ab doomi jàngoro ci seen yaram mbaa neewo ci seen biir.
- Yeex a gis mbaax mën naa màndargaal ëmb. Waaye bu dee ab janq, mbaa jigéen ju weesu 40 at, yemadig àpp yi muy gis baax lu jaadu la.
- Su fekkee ne dafa gis mbaax mu bare lool, mu mel ni kuy xëpp deret te fekk mu toogoon diiru weer mbaa lu ko ëpp te gisu ko, mën naa doon ëmb bu yàqu (xooleen xët 40).
- Su fekkee dafa néew lool, te deret ji fiuul ànd ak metitu biir, mën naa nekk ëmb bu sosoo ci bitib butitu njurukaay bi. Loolu nag mën naa aay lool, ba tax ñu war a gaaw a seeti ab doktoor, mbaa ab saas faam.
- Bu dee kuy xëpp deret ci biir ëmb, mën nañoo yaakaar ne ëmb bu yàqu la.
- Bu fekkee ne ndaw si dafay gis mbaax lu weesu 6 fan, mbaa deret ji bare lool walla mu di ko gis lu ëpp benn yoon ci weer, war na dem seetluji boppam. Am na ay jigéen ñuy gis tuuti deret diggante mbaax ak moroom ma te muy lu jaadu ci fioom.

Saatlug jigéen (fi jigéen di noppee gis baax)

Mooy fi baaxu jigéen di jeexe tåkk ci moom, te du mën a amati doom. Loolu mu ngi faral di am ci diggante 40-ak 50 at. Ku loolu di waaj ci moom, dafay tåmbali faral di gis mbaax ci àpp yu wuute ci diirug ay weer, daldi sooga taxaw.

Ci diir boobu nag, jigéen fi duñu mën a ñakk a am njàqarey xol, di àndaku tångoor aki metit ci yaram wépp, boole kook xel mu nàqari. Su jamonoy saatlug jigéen ñi weesoo rekk, fiu dellu ci seen sago am tawféex.



Jigéen ñiy xëpp deret mbaa fiuy am metitu biir yu tar ci jamono yi fiu noppee gis mbaax, walla jigéen fi nga xam ne gannaaw bu seen baax taxawee ba noppi dañuy nàcc ba téy, fióofiu war nañoo seetluji seen bopp ba mu wóor leen ne du ab neewo ci seen biir.

Ëmb

Màndargay ëmb:

Màndarga yii yépp jaadu nañu cib ëmb:

- Ñakk a gis mbaax li ci ëpp, mooy màndarga miy jiit.
- Xel muy teey suba teel lu gën a bare ci diggante fiaareelu weer ba ci fletteelu weeru ëmb bi.
- Biir buy réy.
- Wéen yuy réy.
- Ay gákki ci xar-kanam gi, biir beek ween yi.
- Ci lu mujj ngay yég xale biy yëngu ci sa biir.



Tëddin wu jaadu wi doom ji
war a tédde ci biiru ndeyam ci 9 weeram.

Ni fiuy sàmme wér-gi-yaram ci jamonoy ēmb:

- Lekk *bu baax* am na solo lool. Yaram wi soxla na dund bu bare ay poroteyin (yu mel ni yàpp, jën, fiebbe), ay vitamin ak i xorom. Amul wenn fiam wu fiuy moytu.
- Di xorome *xoromu iyodd* ngir xale bi mën a mat te ànd ak wér-gi-yaram.
- *Di sàmm ag cet ci sa yaram.* Di faral di sangu tey soccu bés bu nekk.
- Diirub juróom benni ayu-bés yi mujj ci ēmb, néewal séy moo gën ak *di moytu bépp yëngu bu am solo, ak tukki/dox yu sore.*
- Jigéen ju ēmb ju dëkk ci diiwaan bu bare sibbiru war naa naan benn niwaakin bés bu nekk, te jéll benn bés ci ayu-bés bu nekk, dale ko ba ēmb bi tàmbalee.
- *Di moytoo naan ay garab yu bare,* bu mënee fiakk. Am na ay garab yu mën a lor lool doom ji ci biiru yaayam. Li gën daal mooy, bala muy jël garab, na doon ci ndigalu doktoor. (Su ko doktoor biy bindal garab, jigéenu biir ji war na koo xamal ne dafa ēmb —léeg-léeg sax biir bi day feen/leer.) Jigéenu biir ji mën na jël ay garab yuy dalal ak garab yuy waññi foroxtanu mbàq waaye lu yem rekk. Dina baax it muy jël garab yuy dolli kàttanam, yu deme ni vitamin ak weñ gu fiuul. (187, FAD).

Jigéenu biir ji war na it di sore xale yi ame xuréet mbaa ḥas.

- *Warul a tòx, warul naan sàngara.* (470, FAD).
- *War nay lekk yàpp wu fiør xomm.*

AY TAWAT YU NDAW YIY FARAL DI DAL JIGÉENU BIIR:

1. *Xel muy teey ak waccu:* loolu mu ngi faral di am ci suba si, ci diggante fiareel ba fietteelu weeru ēmb bi. Bu yeewoo suba, lekk lu dëgér, lu deme ne mbiskit mu am xorom. Di faral di lekk tuuti, ay yooni-yoon, moo gën lekk lu bare benn yoon. Naan benn walla fiari doomi garab guy teree waccu, maanaam *Wogaléen* bu xel miy teey, walla mu naan ko 15 saa bala muy lekk. Nay moytoo lekk lu niin.

2. *Xérñeññi:* Lekk tuuti-tuuti saa su ne tey naan meew.

3. *Tànk yu sadd:* Bés bu ne, nay faral di tëdd noppalu ay yooni-yoon, aj ay tànkam ci kow mbaa muy tëdde wetu cammoñ. Su tànk yi sadde

lool, war naa dem seetluji boppam. Loolu diisaayu xale bi ci biiram ci weer yu mujj yi moo koy waral. Mu ngi gēnatee metti ci ku fiakk deret, ku lekkam baaxul mbaa xorom ēpp ci lekkam.

4. Nàkk deret ak dund gu bon: Ni ēpp ci jigéeni kow gi, dafuy fiakk deret; fiakk deret googu mi ngi gēn a aay bu flu ēmbee. Ngir jur ju dēgēr, jigéen gēn na soxla lekk gu bare poroteyin ak weñ gu fluul. Bu benn mandargaay fiakk deret walla mandargaay lekk gu bon feefee ci moom, faww mu yokk lekkam ci yapp, ci ginaar aki nen. Faww it muy naan benn mbaa fiaari doomi garabu weñ gu fluul ("Sulfate ferreux") fietti yoon bés bu nekk, diiru benn ba fietti weer.

Su fekke ne am na kayit yiy feefhal albimin ci am saw mën na ko jēfandikoo. Boo gisee ne saw mi am na xorom mbaa albimin, war na dem seetlu sa bopp.

**5. Jàngoroy (rew) "waris"
maanaam siddiit yuy fes:**

Tëdde njaaxaa-naay, aj say tank (ca kow), ni flu koy defe ci tank yi sadd. Su fekkee ne siddiit yi dañoo newi tey metti lool, dangay lémës tank beek bandaas buy tåwwiku maanaam lastic. Booy tëdd guddi dindi bandaas bi.



6. Suuf gu lucceeku: Li koy waral mooy diisaayu xale bi ci biir bi. Ngir dànk metit wi dangay samp say bëti wóom ak say cofico ci suuf, dóoxlu, toogukaay bi féete kow ni flu ko wone ci nataal bi, te ngay fajtal seere bu la dalee ngir da koy yokk.

7. Seere: di lekk doomi garab te di taggat yaram wi. Di moytu nàndal yuy dawal biir.

Màndarga yu aay yi cib ëmb:

1. Xëpp deret. Bu fekkee ne jigéenu biir ji dafa tambali di xëpp deret, bu doon tuuti sax, mandarga mu bon la. Biir bu yáqu lay war a doon. Dafa war a tëdd, yónnee flu woowal ko Doktoor. (seetleen mat wu naaxsaay ci xët 40)

2. *Nàkk deref, gu metti,* Jigéen ji day sonn lool, biir mbari bët yi xall. Bu ūu ko fajul, mën na cee faatu buy wasin, walla gannaaw bu wasine. Ci loolu, dund bu baax rekk dootul doy. War na dem kër doktoor tey naan doomi garab yu am weñi gu ūuul (maanaam "fer") (573, FAD).

3. *Tank, loxo, xar-kanam yu sadd booleek metitu bopp, gis bu lëndëm, tasiyon bu yécg ak albimin ci saw mi, loolu mandargay tookeg ēmb la.*

Fajum tookeg ēmb:

- Dem kër doktoor.
- Tëdde wetu cammoñ.
- Di lekk lépp ci ni mu ware, bañi a bàyyi xorom.
- Bañi a naan nandal guy sawloo.
- Bu amul tan, gis bi lëndëm, te xar-kanam gi sadd, walla muy kadd-kaddi, li war mooy gaaw a dem jëli doktoor, ndax bakkantu ndaw si xaj na ci.

DIIRUB 3 WEER YI MUJJ CI ĒMB BI

Su fekke ne tank yi
rekk ñoo sadd, jombul
aayul. Waaye lu ci
mën a am, nañu seetlu
yeneeni mandarga.



Dem kēr doktoor ci diirug ēmb

Waa kēri doktoor yu bare ak doktoori jigéen fii (saas-faam) dafuy xiir jigéen fii ēmb fluu faral di seetluji seen bopp laata fluu wasin ak di leen soññi fluu wax seen tawat ci wallu wér-gi-yaram. Boo ēmbee, te flu yombalal la yoonu dem seetlu sa bopp, ubbil nañu la buntu xam lu bare lu la mēn a aar ci ay téq-téq te di la dimbali ba nga am doom ju wér.

Soo dee saas-faam, mēn nga xettali jigéen fii ēmb (ak xale yi y waaj a juddu), di leen woo fluu fñow di seetlu séen bopp laata fluu wasin, walla nga di leen seeti. Li gēn mooy, di leen seeti *benn yoon ci weer wu ne diirub & weer yu jékk ya, ak benn yoon ayu-bés bu nekk ci juróom ñeenteelu weer wa*.

Bu loolu jafee (ndax sorewaay bi), di ko def lu bon-bon ci biir:

- ñietteelu weer wa
- juróom benneelu weer wa
- juróom ñietteelu weer wa
- juróom ñietteelu weer wa ak genn wàll, ak bu matalee.

Solo yi nu war a yittewoo bu fluu seetlu jigéen ci biir ēmbam:

1. Xamlante

Di laaj jigéenu biir ji ay tawatam aki soxlaam. Di fexee xam nu ēmbam yi jiitu deme woon; nan la ēmbam bi mujj deme woon, ak bépp téq-téq bu mu mas a am. Di wax ak moom ci ni mu mēn a dimbalee boppam ba am doom ju ànd ak wér:

Lekk gu baax. Di ko xiir ci lekk gu baax gu bare poroteyim, weñ gu fluul ak kalsiyom (LEKK).

- Sàmm ag cet(LEKK).
- Solob néewal lu tuy naan ay garab mbaa mu bañ koo naan far(xët 4)
- Solob bañ a tóx ak bañ a naan sangara.
- Njarifnal taggat yaramam ci lu yem tey noppalu, waaye di moytoo yëngook doole tey moytu root mi.

- *Nakku tetaanbos*, ngir aar xale bi mu ëmb ci jangoro jooju (ñu ñakku ci 6st, 7th ak 8th weer su fekke ñakkoogul woon. Su fekkee mas na ñakku tétaanoos lu jiit, nañu ko tollanti ci 7th weeram).
- Di *moytu bu baax sibbiru*, ndax am songam mën naa aay lool ci moom mbaa mu indi *ëmb bu yàqu* (529, FAD).

2. *Lekk gi*

Ndax jigéenu biir ji niru na ku dundam baax? Ndax ñakkul deret? Su ko ñakkee, waxtaanleen ci ni muy def ba lekkam gën. Sees ko mëne, nees ko jox doomi weñ gu fluul - su mënee am flu boole ci asid folik ak vitamin see. Nañu ko digal nu muy fajtale wéradig metiti suba si ak ni muy dalale ay xérñiéññi.

Ndax ni yaramu jigéenu biir jiy yokkoo jaadu na? Su mënee am nañu koy peese saa yu ñówe seetlusi boppam (wisiitu) te di bind disaayam. Ci yoon, jigéenu biir ji war na yokku 8 ba ci 10 kilo bu yeggee ci 9th weeram. Su fekkee ne diisaayam dafa taxaw yokkootul, loolu mändarga mu bon la. Yokku bu gaaw bi it ci wéer yu mujj yi, baaxul. Bu ngeen amul dara lu ngeen mën a nattee disaayam, xool leen ci jëmm ji ngir xam ndax yokku na am déet.

Walla yeen ci seen bopp seetleen nu
ngeen mën a xaymaa disaayam.

Ay móol walla leneen
lu ngeen xam disaayam.



3. *Gàllankoor yu ndaw*

Laaj leen jigéenu biir ji ndax dinay am yeneeni gallankoor yiy faral di ànd ak ab ëmb. Xamal ko ne loolu aayul te jox ko ndigal yi nekk ci xët 4.

4. *Mändarga yi aay*

Jéemleen a nemmeeku benn bu ci nekk ci mändarga yu aay yi nekk ci xët 34 ci téere Lan lanu wara lekk Tegleen seen baaraam ci takkubarab jigéenu biir ji saa yu ñówee seetlusi boppam ngir ngeen mën a xam liy doxinu xol bu yem ci moom ngir ëllëg bu doxinu xol ba jaadootul (ci

lu mel ni jëllub tooke mbaa xëpp deret ju metti). Su ngeen amee jumtukaay bi fiuy seete tasiyon (nattukaayu tasiyon), nattleen xélu deretam te natt diisaayam. Wottu leen bu baax mändarga yu aay yii:

- Diisaay bu jekki yokku)
- Loxo ak xar-kanam yu newi) Mändargay
- Tasiyon bu yokku ba ranfieeku) tookey
- Ñakk deret gu metti (xët 6)) ēmb
- Bépp xëpp deret bu metti (xët 6))


Su benn rekk ci mändarga yii feeñee, ci ni mu gën a gaawe nañu yóbbu jigéen ji cib doktoor.

5. Mæggug xale bi ak tëraayam ci biiru yaayam

Lambleen biirub jigéenu biir ji, saa yu fiówee seetlusi boppam, mbaa ngeen won ko nan la koy defalee boppam.

Kawewaayu butitu njurukaay bi

9 weer
8 weer
7 weer
6 weer
5 weer
4 weer
3 weer




Ci yoon, biir bi dina
mægg fiáari baaraam
weer wu nekk.

Ci 4^{selia} weer ak genn
wäll, ci jumbax bi lay
tolu.

Weer wu nekk, bind leen flaata baaraam fioo dox diggante biir bi ak jumbax bi, bu ko fëetee suuf walla bu ko fëetee kow. Su fekkee ne biir bi dafa rëy lool walla yokkuteem gaaw lool, mën na am ndox mi ci biir bi dafa xëpp li jaadu. Bu dee loolu, du ngeen gaaw a daj xale bi ci biir. Ndox mu bare lool ci butitu njurukaay dafay wone ne xëpp deret ju bare dina yomb ndaw si buy wasin te mën naa tekki itam ne xale bi dafa sosoo laago.

Lambleen ba xam ni xale bi tëdde ci biir butitu njurukaay bi. Su melee ne dafa galanu, ndaw si war naa dem seeti doktoor, bala matu wee tambali, ndaxte mën na laaj fiáare fiu xotti (opere) ko.



Ngir seetluwaat tēraayu xale bi buy waaja wasin, xoolal ci suuf.


6. Doxinu xolu xale bi ci biir

Bu amee 5 weer, déglu leen doxinu xolu xale bi te bâyyi ^{wéyén} xel cig yëngoom. Mën ngeen a fexe dëpp seen nopp ci biir ndaw si, waaye du yomb a dégg. Dina gën a yomb a dégg bu ngeen amee dégglukaay bi ñuy wax estetoskop (mbaa ngeen defarlu ci benn: Ban bu ñu togg walla bant bu dëgér dina ci baax lool), dafay bindoo ni lântinoor, xoolal nataal bi.



Ngir bañ a jaawale nawug xale bi ak gu yaayam, da ngeen di teg seen baaraam ci takkub jarab yaay ji. Su fekkee ne ni muy doxe ci biir bi dëppoo na ak ni muy doxe ci loxo bi, ngeen xam ne li ngeen dégg xolu yaay ji la, walla benn ciy sidditam. Su gënee gaaw ci biir bi, xale bi la.

Su ngeen déggee xolu xale bi di gën a yëngoo ci suufu jumbax bi ci weer wu mujj wi, kon bopp lay jiital buy juddu.



Su ngeen déggee xolu xale bi di gën a yëngoo ci kow jumbax bi, bopp bi moo war a féete kow te kon taat wi la liir biy jiital buy juddu.

Su ngeen amee montar, waññi leen fitaxi yéngu-yénguy xolu xale bi. Bu xol bi téggee 120 yoon ba 160 yoon ci saa, jaadu na. Su matul 120 yoon ci saa, am na lu awul yoon (mbaa book waññiwuleen bu baax, mbaa jombul xolu yaay ji ngeen déglu). Seetluleen takkub jara bu yaay ji. Xolub liir neexul a dégg boo ko yàggul a def. War nga koo tåmm ngir mën ko.

7. Waajal jigéen fi ci seen mat

Bu waxtuw mucc jubsec, nañuy faral di seet jigéen fi. Su dee ku am ay doom, nañu ko laaj nu àppu matam daan tollu, ak ndax amoon na ca ay jafe-jafe. Nañu ko wax nu mu mën a def ba yombal mat wi ba mu bañ a metti lool (seetal xët yi ci kanam). Xëy na dingeen bëgg muy tåggat boppam ci ni mu war a noyyee bu baax, ndànk, ba mu mën na noyyee noonu keroog buy matu ci biir metit wi. Nañu ko xamal njariñ li nekk ci bàyyandiku su metit wi dalee.

Su amee lu leen tax a foog ne mat wi dina jafe ba ëpp leen doole, yebal leen ndaw si mu dem wasini ci kér doktoor mbaa loppitaan. Fexeleen ba buy tàmbalee matu fekk ko mu nekk fu sorewul loppitaan.

NAN LA JIGÉEN DI XAMEE BÉSUB WASINAM

Dale ko ci bés bu jiitu ci mbaax mi nga mujj a gis wàññi ci ñetti weer, yokk ci 7 fan.

Ci tegtal, bu ñu jàppée ne mbaax mi nga mujj a gis mu ngi tàmbali ci 10 fan ci weeru mé.

Daleel 10 mé dellu gannaaw 3 weer muy 10 febaryé yokk 7 fan muy 17 febaryé

Liir bi mu ngi war a juddu ci weti 17 febaryé.

8. Dénc li fiu bind

Ngir mën a dendale li ngeen gis ci seen seet diggante weer ak moroomam te xam nan la biir biy doxe, am su ngeen koy bind ni mu gën a yombee dina leen dimbale. Ci xët wi ci topp, dinañu ci gis, ay tegtal ci ni fiuy binde ay takk. Mën ngeen ko soppi ni mu leen juboo. Kayit wu gën a yaatu moo gën a baax. Yaay ju nekk mën naa dénc kayitu boppam, te di ko indi wisit wu nekk.

Wëttéen wu sell



Ay ndimoyu woyof,
te dëgér, ngir yeew
jumbax bi; war
nañoo set wecc
te wow konn.



JUMTUKAAYI NDOLLANT NGIR SAAS FAAM BU FARLU


- Lämpu tors



- Ab manquakaay muucu ngir
dindi baqta yi ci bakkalu liir
beek lor yi ci gemmiñam.



- Ay pikir aki pingu yu sell




- Ay ampul yu def
metersiin




- Ab déglukaay
("Stethoscope obstetrical") ngir déglu
xolu liir bi ci jumbaxu
yaay ji.



- Siso yu cat ya wërngalu
ngir dagg ànd bi ci lu gaaw
(bu fekkee ne aajo na ko ci
lu jàmp).



- Nium yi fluw wax "Pinces de
Khocher" ngir kepp ànd bi
walla ngir taxawal deret ji
xottiku yi di indi.



- Naari ndab: benn bi ngir raxasu, bi ci des ngir def ci ànd bi te seetlu ko.



- Benn puso ak wëñ yu sell ngir ñaw xoti-xoti yi.



- Tuufaay luy rey doomi jàngoro ngir bëti liir bi.

Wasin gi

Mbir la mu bokk ci sunu bind. Su ku jigéen ki wéree péññ te lépp jaar yoon, liir bi mën na juddu, génnal boppam, te kenn du dimbali yaay ji. Ci wasin wu aw yoon, *lu ci loxob saas faam bi gën a néew, ci lay gën a mën a awe yoon.*

Lu ci mën a am, dinay am wasin yu jafe, te léeg-léeg bakkanu yaay ji, walla liir bi xaj ci. Su fekke ne séentu nanu ne wasin wi dafa nar a jafe, li gën mooy, ab doktoor rewli aji wasin ji.

Màndargay wasin yu nar a aay bay soxla teewaayub doktoor:

- Su jigéenu biir ji di xëpp deret laata muy wasin.
- Su amee ay màndargay tookeb ëmb (xooleen xët 6).
- Su ndaw si àndeek jàngoro ju yàgg mbaa ju metti bi muy wasin.
- Su fekke ne ndaw si dafa ñakk deret walla deret jí du way ni mu ware.
- Su fekke ne ndaw si mas na jaar ci ay wasin yu jafe mbaa mu mas a nàcc deret ju bari.
- Su ndaw si amee ulde ci biir bi.

- Su ndaw si ēmbée ay seex.
- Su liir bi tēddul tēraay bu jaadu ci biiru ndeyam.
- Su jigéen jiy tonqi ndox laata mat wiy tāmbali (su yaram wi tāngée mu gēnatee aay).

WASIN YI GĒN A NAR A METTI ÑOO DI:

wasin taaw



ak


wasin yi mujj fekk am nga
doom yu bare ba noppo.



Nan lañuy gise ne ni xale bi tēdde baax na:

Ngir mu wóor ne boppu liir bi mu ngi fēete suuf, muy li jaadu
buy juddu, nii ngeen di fexee lāmb ba daj bopp bi:


1. Na yaay ji wàcce noo gi bu baax.



Bësal sa baaraamu déy ak 2
baaraam fii, fi tollook ci kow
yaxu naq bi.

Loxo bi ci des di lāmb di bës ci
kow biir bi.

Fi féeteek taati
xale bi mooy
gën a rëy te
gën a yaatu.



Su taat wi nekkee ci kow,
dinanu gis ne mooy gën a rëy.


Bu ūu nemmikoo
ne fi féete suuf
a gën a rëy, kon
ūu xam ne, taatu
liir baa fa nekk.

Bopp bi dafay dëgër
te wëmgalu.



2. Bës leen ndànk jëme ci gii wet ak benn loxo, ba noppi, bës jëme ci geneen wet ak loxo bi ci des.


Bu ūu bësee ndànk taatu liir bi
jëme genn wet, yaramam wépp
dina yëngatu ànd ak taat wi.



Waaye bu ūu bësee bopp bi tuuti
cig wet, bopp bi dafay banku ci
loos wi te li féete suuf du yëngu.

Su fekkee ne xale bi dafa kowe ba
tey, mënees naa yéngal bopp bi tuuti.
Waaye su fekkee mu fabu ba noppi
di waaj a juddu, kenn du ko mënatee
yëngal.

Yenn saa yi bu dee taaw, liir bi dina
wàcc ūaari ayu-bés laata mat wi
tambali. Gannaaw ga nag, mat yi
ci topp xale bi du wàcc feek mat wi
tambaliwul.



Su fekkee ne boppu liir bi dafa fëete suuf, lépp war na mën a jaar yoon.

Su fekkee ne bopp bi dafa fëete kow, wasin wi mën na gën a jafe (xale bi jiital taat wi) te li gën a wôor mooy (wasin wu xale bi jiital taat wi) wasini cib loppitaan walla fu sorewul ak kér doktoor.


Su fekkee ne liir bi dafa tëdde wet, yaay ji dafa war a wasine cib loppitaan. Moom ak doomam yépp seen bàkkan xej na ci.

Màndarga yi y wone ne waxtuw wasin jege na:

- Ay fan lu jiitu wasin wi, liir bi dafay wàcc ci biir bi ci la noowu yaay ji di gën a yombe, waaye dina tax muy faral di saw ndaxte liir bi day tanc paftanam. (Bu dee taaw, màndarga yii dinañu feefi, 15 fan lu jiitu muy wasin).
- Bu mat wi desee tuuti, lu mel ni rattaxiit yu weex mën na gënne ci sa kanam, léeg-léeg mu ànd ak tuuti deret.
- Metit yi (fuddug biir bi) mën nañoo tàmbali ay fan bala moo wasin. Mat waa ngiy tàmbali bu metit yooyu gënee tar te gën a jegewoo.
- Dinay am, waaye néew na, lu mel ni mat te du mat dëgg, loolu moo di ay metit yu tar te jegewoo lu yàgg bala ngaa wasin. Bu ñu la sottee ndox mu nugg mën na dalal metit yi, su fekkee ne mat wuy naaxsay rekk la, mbaa mu gaawal wasin wi su dee mat dëgg.

Ni butitu njurukaay biy fuddóo moo waral tonqi mi.

- Bu metit amul, butitu njurukaay bi dafay dal ne tekk, ni mu mel ci nataal bii:



- Bu dee fuddu, butitu njurukaay bi dafay yëkkëtiku ni ci nataal bii.



Fuddu yooyu butitu njurukaay bi def mooy waral buntu njurukaay biy tàwwiku.

- Ci yoon, tonqi ndox bi mooy topp ci fuddu butitu njurukaay. Waaye mën na am tonqi ndox bi jiit u fudduy butitu njurukaay bi. Loolu day wone ne wasin wi jege na. Foofu ndaw si dafa war a tëdd rekk.

Tolluwaay yi flu raññee ci wasin

Netti tolluwaay yii laññu raññee ci wasin:

- Bu jëkk bi mu ngi tàmbalee ay metit yu tar tey dellusi ci diir yu tolloo tey dal bu liir bi wàccee bay waaja juddu.


- Naareelu tolluwaay bi dale ca bu liir bi wàccee ci suufu njurukaay bi (utérus) ba mu juddu.
- Netteelu tolluwaay bi, dale ca juddu ba, ba ca génnug ànd ba (muy mucc gi).

Tolluwaay bu jékk bi ci wasin mën na mat 10 ba 20 waxtu walla lu ko ëpp, su fekkee muy wasinu taaw, mbaa muy 7 ba ci 10 waxtu su dul wasinu taaw, waaye diir yi dinay woroo lu bare.

Ci tolluwaay bu jékk bi, ndaw si warul a nalu ngir mu gaaw, ndaxte dafa war a yàgg te aji wasin ji du nemmeeku fu mu tollu.

Feeek xale bi tåmbalewul a yëngu, ndaw si warul a nalu; dafa war a nég ba mu yebal ko.

Kiy wasin war naa
yebbiku bu set
door a wasin.



Paftan mu fees ak saw

jonkon

Su li ci paftan meek butit yi yebeekuwul, loolu mën na gétén génnu xale bi.

Faral di saw ci biir mat wi am na ci solo lool. Bu fekkee dafa toog lu yàgg demul gannaaw kér, bu ñu ko raxasee ngir mu yebal ko (laawmaa) mën na gaawal wasin wi.

War na naan ndox mu bare, te sù mat wi yeexee lool war na lekk tuuti.

Ba kera muy xëpp ndox mépp, ndaw si war nay noppalu, tey jóg, di dox tuuti, di noppalu, jappoo ko noonu.

Ci biir tolluwaay bu jékk bi ci mat wi, saas faam mbaa ki koy taxawu (mataroon) nii la war a def:

- raxas ak ndox mu nugg ak saabu biiri aji wasin ji, suufam, kanamam gi ak luppam yi;
- lal lal bi walla laltu gi ak sér yu set, te di ko lälli, saa yu tilime, lalaat yeneen;
- beggandil lañset bu bees, walla baxal siso yi fluuy doge butit bi lu tollook 20 saa (bàyyi ko muy bax ba ba mu koy jëfandikoo, ub ko, seral ko te bañ a téye ci baaraamu siso bi);
- saas faam bi warul a.bës biiru ndaw si, mbaa mu ne ko mu nalu ci biir tolluwaay bu jëkk bi.

Ñaareelu tolluwaayu mat bi, mooy juddu bi. Ci yoon, xëpp ndox lay tåmbalee. Moo gën a yomb te gën a gätt ab diir tooluwaay bi jiitu. Bu fuddoo ci biir, ndaw si day nalu bu baax bay fluaq. Saa su dalee, dafay mel ni kuy gëmméentu.

Ngir nalu bu baax, aji wasin ji dafa war a xëcc ag noowam ba mu sës soog a nalook doole mel ni kuy dem gannaaw kér. Su fekkee ne xale bi të naa génn, te ndaw si xëpp ndox ba noppi, liy faral di am ci wasinu taaw, yaay ji dafa war a yëkkëti ay tånkam, bank ko ci wóom yi, ni flu ko wonee ci nataal yi:


jonkon



toog



jaaxaan



Bu kanam giy yakkliku, boppu xale bi feefi, saas faam bi war na waaj a awu xale bi. *Bu wasin wi awei yoon, saas faam bi warul a dugal loxoom, mbaa, ay baaraamam benn yoon ci kanamu aji wasin ji.* Ndaxte loolu mooy waral ay doomi jangoro yu aay di feen ci aji wasin ji gannaaw ba mu wasinee.

Bu boppu xale bi génnee, saas faam bi dafa ko war a awu, waaye bu mu kó xécc mukk.


Ci yoon nii la xale di juddoo:

1.




Bu tolloo fii, dangay nalu bu baax.

2.




Fii, dangay fexee bañ a nalu bu baax.
Gàttalal sa noo te barel ko. Loolu dina tax sa kanam du xottiku.

3.



4.




Seetuleen ne xarkanamu xale
feete suuf.


Su ko defee yaramu xale bi dina
walbatiku genn wet ngir mbagg yi
mĕn a jall.

Su mbagg yi tewee gannaaw bu bopp bi génnee ba nopp:

1.



2.



Saas faam bi mĕn na japp bopp
bi ciy loxoom jĕmale ko suuf
ndank, ngir menn mbagg mi
mĕn a génn.

Bu génnee ba nopp mu jĕmale
bopp bi kow ngir mĕn a génne
mbagg mi ci des.

Waaye liggeey bépp yaay jee ko war a def. Saas faam bi warul a fiioddi mukk boppu xale bi, ndax loolu mën na koo indil laago bu dul wér.

Netteelu tolluwaayu wasin mu ngi tambale ci bu xale bi juddoo ba bay ànd biy génn (mucc gi). Ci yoon, ànd bi war naa génn ci diggante 5 ba 15 saa gannaaw bu xale bi juddoo. Ci diggante boobu nag lañu war a toppatoo liir bi.

Bu juddoo ci saa si:

- Nañu jäpp liir bi ci tànk yi, bopp bi jëm suuf, ngir rattaxiit yi mën a génne ci put geek ci gémmiñ gi. Nañu ko téye noonu ba mu noyyi.



- Bu leen yékkëti mukk xale bi ba mu gën a kowc fi yaay ji tëdd, feek doguñu lutt bi.
- Bu liir bi jooyul ci saa si, nañu ko tàpp-tàppal ci cati tànk yi ngir mu jooy.
- Su noyyiwul ba tey nga dindi rattaxiit yi ci gémmiñ gi te *dëpp ko sa gémmiñ, woo noo gi* (*wooteg noo gémmiñ ak gémmiñ*) (126, FAD).
- Buy noyyi bu baax, tëral ko ci laltaay gu set.
- Fexe ba ngelaw bañi a dugg xale bi lu am solo la ci, rawatina bu dee liir bu matul.

Nan lañuy dagge lutt bi

Bu xale biy door a juddu, lutt bi day rēy te baxa: kenn du ko dog ci saa si.



Nees tuut butit bi gën a sew te xäll. Su ko defee dañu koy takk ci ndimo yu set yu fiu fudd bees, daldi koy yeew ba mu dañ ngir deret jiy daw ci butit bi bañatec jäll, fiu dàgg ko ni ko nataal bi wone.




Lu am solo: nañu dog butit bi ak lañset bu bees tåq. Bala fiuy dindi mbar mi, nañu raxasu bu baax ak saabu. Su amul lañset bu bees, mënes nañu jëfandikoo ab siso bu door a jóge ci ndox mu bax (lu mat 20 saa). NAÑU DÀGG BUTIT BI FU JEGE YARAMU XALE BI. Bu fiu båyyi mukk lu ëpp fiaari santimeetar. Fàggu yii nag am nañu solo lool ngir aar ab liir ci tetanoos.

Pajum jumbax bi


Li gën mooy fiu jëfandikoo bandaas bi fiuy wax gaas bu sell bu 8 ful 8 santimeetar. Nu xar cat li ak siso yu sell, daldi koy lëmës ni ko nataal bi wone:

1.



Fii ngay xar gaas bi

2.



3.

4. Bu mu dàŋ te bu mu sew.



Bu amul gaas bu sell, ngeen lémëse ko ndimo lu set wecc wu ŋu fudd. Nu bañ koo lémës wërale moo gën, waaye ba tey, bu ŋu ko dee def, bu mu daŋ ndax ngelaw li mën koo dugg ba góom bi wow.

Nanu farlu ba tilim mbaa pënd du laal jumbax bi te fexe itam ba du laleek yëre yu tilimi nit ŋi koy fab. Saa su tilimee, nañu ko raxas ak ndox mu ŋu baxal, te itam nañu ko raxas ak alkool benn yoon bés bu nekk.

Sàngum liir

Jëfandikool njàmpeg cangaay bù liir, bu nooy te tooy, nga fomp deret jeek tilim ji des ci yaramu xale bi. Boo noppee nga màpp ko te sàng ko bu baax rawatina bù seddee (tàngaayu yaramu liir mën naa wàcc ba suufe lool bu ŋu ci bàyyiwul xel).

Li ŋu gën a taamu fiaare, mooy ŋu bañ a sang xale bi feek góomu jumbax bi wérul ba wow (ci yoon diggante 5 ba 8 fan). Gannaaw 8 fan, nañu sang xale bi ak ndox mu nugg ak saabu bu nooy.

Nàmpu liir

Nañu nàmpal xale bi ci saa si gannaaw bu ŋu dàggee butit bi ba noppi, noonu la ànd bi di gën a gaaw a génne, te kiy wasin du xëpp deret.

Génnug ànd bi walla "mucc gi"

Ci yoon, ànd bi war naa génn ay saa gannaaw bu xale bi juddoo, waaye léeg-léeg mu yàgg ba mat ay waxtu bala moo génn.

Bu ànd toogee lu yàgg bañ a génn (lu ශpp 30 saa):

- bu ūu def dara su fekkee ne yaay ji xëppul deret. *Bu ūu xëcc mukk butit bi.*



Lu ko moy mën naa jur xëpp deret gu metti.

- bu yaay jiy xëpp deret, nañu làmb biir bi: butitu njurukaay gi dafa war a def donj wu dëgér; su butitu njurukaay bi nooyee nañu def nii:

Nañu bës ndànk butitu njurukaay bi ba mu dañ. Bu ko defee cig téey, ūu bës njurukaay gi ndànk jëmale suuf ci teey. Noonu ànd bi war na daldi génn.

Bu génnul te deret ji taxawul, ba tey nañu ko fexee taxawal te daldi gaaw seeti doktoor.



Xëpp deret

Bu ànd bi génnée, fàww mu ànd ak tuuti deret. Waaye ci yoon, warul a nàcc lu yàgg te du weesu walaat.

Bu deret ji taxawul, su jigéen jiy xëpp deret bu metti, def leen nii:

Wooluleen doktoor ni mu gën a gaawe. Su fiu mënul a gaaw a taxawal deret ji, joɔbul ndaw si dina soxlaji deret.

- Su ngeen amee yuy taxawal xëpp deret yu mel ni *Metersiin^R* walla li fiuy wax *Post Ipoifiis*, nañu ko ci jox ni fiu ko waxee ci xët 29.
- Ndaw si war na naan xeeti ndox yu bare (ndox, ndoxi meffueefu garab, sexaw, supp). Su melec ni kuy bëgg a xëm walla ku toll diggante bu metti nañu yëkkëti tank yi fiu gën a kawe bopp bi lu tollook 50 santimeeter.
- Su fekkee ne deret ji dafay sottiku bu metti mbaa book ndaw si nar a fiakk deretam jepp, nii lafiuy fexee taxawal deret ji:

Nañu làmb biir bi ba daj butitu njurukaay bi (utérus), fiu yëkkëti butitu njurukaay bi ak benn loxo,

te fiuy bës suufu njurukaay gi ak loxo bi ci des.



- Bu bësaayub njurukaay bi taxul xëpp mi taxaw, nañu defe nii:

Nañu bës biir bi ak fiaari loxo, te tegle leen bii ci kow, bi ci des, ci suufu jumbax bi.
Nañu weyal bës biir bi ab diir gannaaw bu tuur deret ji taxawee.



- Su deret ji tëwee taxaw:

Nañu jäpp njurukaay gi ci diggante fiaari loxo, bës ko bu baax.



Jēfandikoo metersiin (ergometarin) ak post-ipofis ni mu ware

Ay garab yu aay lool lañu. Bu flu leen jariñowul ni mu ware, mën nañoo rey yaay ji mbaa xale bi ci biir bi. Bu ñu leen jēfandikoo ni mu ware, am na fu flu mën a jote seen bakkán. Nii lañu leen di jēfandikoo ci yoon:

1. *Taxawalug xëpp deret gannaaw bi xale bi juddoo.* Loolu mooy lu jiitu ci njariñal garab yii. Bu xëpp gi mettee lool, dafñuy ping benn ampulu *Metersiin* waxtu wu nekk ba tuy fietti waxtu mbaa ba kera deret jiy taxaw. Bu deret ji taxawee nag, du tax paj mi jeex. Nañu ko ping benn ampul walla 20 toq ñeenti waxtu yu nekk ba mu mat 24 waxtu. Su flu amul *Metersiin*, mën nañoo jēfandikoo *Post-ipofis* bi flu ping, te joxin wi di wenn, waaye taamu leen *ergometarin (Metersiin)* su mënee am.

Lu am solo: Bala moo wasin, ndaw si war naa fäggandiku ay ampulu *Metersiin*, mbaa mu wóor ko ne saas faam bi am na ko, ngir fegu ci xëpp deret.

Moytuleem: garab googu wareesu koo jēfandikoo lu moy bu xëpp gi deme bay ëpp loxo, te kenn du ko jariño mukk, ci biir ëmb mbaa ci wasin (maanaam kenn du ko jēfandikoo feek xale bi judduwul ba noppí).

2. *Ngir moytoo xëpp deret gannaaw ba ñu wasinee, jigéen ñi mas a xëpp deret bu metti ci wasin ya jiitu, mën nañoo jël benn ampulu *Metersiin* (walla 20 toq) ci saa si gannaaw juddub xale bi, te di ko jëlaat 4 waxtu yu nekk ba mu mat 24 waxtu.*

3. *Bu fekkee ne xëpp gi biir bu yàgoo ko waral, jēfandikoo *Metersiin* walla *Post-ipofis* aay na lool, te doktoor rekki moo ko war a pikire. Waaye su ndaw si dee ñakki deret ju bare, mën nañu koo jēfandiko bu flu toppee bu baax ndigal yi flu joxe ci li flu weesu léegi.*

Teeylu leen: jēfandikoo *Metersiin* mbaa *Post-ipofis* ngir gaawal wasin mbaa ngir may jigéen kàttan aay na lool ci ndaw seek doomam. Fi flu war a jēfandikoo garab yooyu lu jiitu wasin néew na lool, te Doktoor rekki moo ko war a pingi. *Bu leen joxe garab yooyu mukk lu jiitu juddub xale bi.*

Garab yi flu jēfandikoo yépp ngir gaawal wasin, mbaa ngir may jigéenu biir ji doole, yu aaytal lool lañu.

Liy may ndaw si doole ju doy bala moo wasin te gën ci moom mooy dundal ko bu baax, te di ko jox su ko jare ay witaamiin ak wefi gu fluul diirub juróom fleenti weeri ēmb bi.

Jafe-jafey wasin

Bu jafé-jafe dikkee ci wasin, sàkku ndimbalu doktoor ni mu gën a gaawe am na ci solo. Jafe-jafe yeek lëj-lëj yi mën a am ci wasin bare nañu lool. Fii nag dañuy wax ci jafe-jafe yiy gën a faral di am.

Bu xale bi dikkee taat wi

Li war mooy fexee indi saas faam walla doktoor, rawatina su fekkee muy wasinu taaw.

Juutaay bu mel ni kuy raam mën naa yombal wasin wi bu fekkee ne xale bi dafa jiital taat wi.

Ñaare, du jar ngay def dara. Waaye, bu tànk yi génnee, te loxo yi tē mel ni dañoo tancu, war nañloo jaaxaanal yaay ji, ba noppi saas faam bi raxas ay loxoom bu baax, fomp leen ak alkool ba noppi, daldi def nii:

Japp ci loxo bi féeteek biiru yaay ji,
wacce ko te di ko bësaale mu jem
ci yaramu xale bi (boo bëggee japp
loxo bi te doo gaañ xale bi, dangay
dugal sa baaraamu dëy ci poqtaanu
liir bi, baaraamu ànd ak baaraamu
diggi bi tegu ci kow, làng ak moom).



Gannaaw gi, nga japp xale bi ci tank
yi yëkkëti mu jëm kow, ba noppi
dolli defaat noonu ngir génne loxo
bi ci des ni ko nataal bi wone.



Bu boppi xale bi génnul, li gën mooy
yaay ji tëdde njaaxaanay. Nga dugal
benn baaraam ci gemmiñu xale bi,

wàcce bopp bi mu jëm ci
dënn bi, ni ko nataal bi indee.

Bu flu xëcc mukk yaramu
xale bi. Mën naflloo fexe
bës biiru ndaw si ngir jeñ
boppu xale bi.



Bu dikkee mbagg mi

Bu benn loxo jëkkée génn, te saas faam bi mënula walbati xale bi, war naflloo woolu doktoor ci lu gaaw. Jombul flu war koo xotti (oppeere) ngir génne xale bi.

AY SÉEX

Bu fekkee ne am nafiu yaakaar ne ëmb bi ay seex la (ndax réyaaayu biir bi dafa weesu ay weeram (seetleen xët 9), ndax diisaayu ndaw si dafa gaaw lool, mbaa ndax dafa mel ni flaari bopp lañuy daj su flu làmbe biiram) daflloo war a yóbbu jigéen ji mu seetlu boppam. Bu fekkee ne li flu yaakaaroon am na (maanaam ëmbu seex la), li gën mooy jigéen ji nekk fu jege loppitaan bu demee ba am 7 weer, ndax wasinam flaare dina gën a teel ni flu ko fooge.

XOTTIKUG KANAM

Bu fekkee ne ci biir wasin wi, kanam gi dafa xottiku, daflloo war a wuti bu gaaw doktoor mbaa saas faam bu mën a flaw xottiku bi.

WÉR-GI-YARAMU NDAW SI GANNAAW BU WASINEE

*Ndaw sii mën a lekk ci lépp, gannaaw bu wasinee. Amul wenn ñam wu
muy moytu. Xanaa kay dafa war a lekk ñam wu baax wu mu mën a
doon, flu taamu ci meew, formaas, ganaar, nen, yapp, ay meññeefi garab
aki paytéef. Su amul lu dul fiebbe, war na koo boole ci ñamam yépp.
Meew mi muy naan ak yu deme ne meew dina dimbali ndaw si ngir mu
am soow mu mu nampale doomam. War na naan lu ëpp fuuf la mu daan*

naan, muy ndox, walla lu ndoxe.

Wasin bees wi mën naa sangu, te war naa sangu bés bu nekk gannaaw bu wasinee. Ci fan yu jékk yi, mën naa jéfandikoo njampel ndimo lu tooy di ko fompoor te bañ a sottikoo ndox. Set du waññi kenn dara, xanaa kay, wasin bees bu toogee bañ a sangu diiru 20 fan mën na koo indil ay jängoro, te doomam it mën na koo tax a wopp. Bu fan yu jékk yi weesoo, mën nay sangu di sottikoo ndox mi (bu mu sangu ci paan feek meret mi jeexul).

Diirub ñeent fukki fan yi gannaaw bu wasinee, wasin bees wi mën nay:

- lekk bépp flam ; te
- di faral di sangu.

Jàngoro yiy topp ci wasin

Jàngoro yiy dale gannaaw wasin bare nañu lool: li koy faral di indi mooy cáganteeg saas faam bi ci wàllu cet mbaa mu dugal ay baaraamam ci kanamu kiy wasin.

Màndargay jängoro ci ku wasin: day lox, yaram wiylàng, bopp biy metti mbaa ndigg li, léeg-léeg biir biy metti muy génne mbér mu xasaw walla mu ànd ak deret.

Paj mi:

Taamu nañu ci penisiliinu doom bu 500.000 "unités," benn doom fiéenti yoon ci bés, walla ay ping yu 1.000.000 "unités," benn ping fukki waxtu ak ñaar yu nekk. Mënees nañoo jéfandikoo yenceeni antibiyotik, yu deme nc ampisiliin.

Jàngoro yiy dale gannaaw wasin mën nañoo aay lool.

Su ndaw si gaawul a wér, war na seeti doktoor.

Jàngoroy ween (Taab, Murle)

Màndarga yl: Genn wàll ci ween wi dafay newi, xonq, di metti te tàng. Mu ngi gën a bare, ci ayu-bés yu jékk yi mbaa weer yu jékk yi ci kuy nàmpal (26, LEKK).

Paj mi:

- Di jox xale bi muy nàmp ci ween wi mettiwul.
- Di fexee ratt soow mi ci ween wi y metti, te di ko tuur.
- Di ko dàmp ak ndox mu sedd (ak galaas) ngir dàq metit wi tey naan dalalukaay yu deme ni aspirin.
- Di jël ay antibiyotik yu gaaw ci doomi jängoro yi fiuy wax estafilokok niki espiramisiin 2 ba ci 3 garaam/bés. (lu mel ni: Rowamiciin 500, 2 doom suba ak ngoon).
- Su loolu lépp taxul murle mi wér, metit wi waññikuwul xanaa dem ba mënatuñu ko dékku, fiu sàkkuji dimbalu doktoor.

Fàggandiku bi:

- Fexe ween wi y set. Di raxas loxo yi bu baax.
- Saa yoo nàmpalee ba noppi, raxas cus yi ci ndox mu set (mu fiu tàngal, mu bax su mënee am), fomp leen ak sagar bu set wecc ba fiu wow nga def ci tuuti diwlin (diwlini togg, gliserin).

Pajum liir bi

Nan lañuy moytoo tetanoos: Am na ci solo lool fiuy dàgg butit bi ak daggukaay bu sell (mucc ci doomi jängoro) fu jege yaram wi, te mu bañi a ñpp fiaari sentimeetar. Nañu fexe ba góom biy wow; lu góom bi gën a wow, wér gi gën a gaaw; loolo tax waruñu ko lémës.

Su fekke ne yaay ji fiakuwuloon tetanoos ci biir diirug ëmb bi, war nañoo ping liir bi serëm bu ko aar ci tetanoos bés bi mu juddoo (ñu di ko wax serëm antitetanik).

BËT YI: Nañuy tuuf liir bi ngir aar bëtam benn toqu nitaratu xaalis bu 1% (1 ci 100) walla pomaat antibiyotik, bu mel ni *teramisin*. Loolu gën a am solo lool bu fekke ne yaay ji walla baay bi gisoon nañu ci seen bopp ay mändargay woppi kanam (soppis) (341, 546 FAD). Lu ko moy, xale bi mën na cee doxe gumba. Benn toq doy na; nañu ko tuuf ci saa si buy door a juddu.



LEKKU LIIR BI

Nu dellu di leen dénku ne fiäm wi gën ci xale bu tollu ci nàmp mooy soowum yaayam. Xale yi fiuy nàmpale seen weeni yaay, fiöoy gën a wér te fiöoy gën a gaaw a màgg fi fiuy jox soowum nag; dee angi gën a néewe ci xale yi fiuy nàmpal seen weeni yaay, te li ko waral di lii:

- Soowu yaay ji moo gën a baax ci liir bi ci ni mu bindoo, te moo gën a mat soowum nag, soowum boyet mbaa mu pëndëx.
- Soowu yaay ji amul doomi jängoro, kon mënul a indi benn jängoro.
- Soowu yaay ji dafay ànd ak tangoor wi gën ci liir bi.
- Soowu yaay ji dina aar xale bi ciy jängoro naka lu deme ne ñas.



Su fekke ne yaay ji am na soow mu doy, liir bi warul a dunde lu dul ween ba,ba diiru 4 weer ba 6 weer. Bu xasee am 4 weer, mën nafluo raxe fiamu liir bi, di ko jox, yeneeni fiäm mu booleek ween wi, yapp, nen, jën, ay paytéef, ceeb, lépp fiu toj ko ba mu mokk. Ruyu dugub mbaa bu ceeb, fiu boole kook tigadege walla pëndëxu meew.

Ngir am soow mu bare: yaay ji war na lekk bu baax, rawatina di naan meew ak xeeti meew; di naan ndox walla lu ndoxe. War nay di nelaw ba mu doy te di bañ a sonn lool mbaa muy mer.

War nay nàmpal lu bare liir bi, ndax lu liir bi gën a nàmp, soow miy gën a fiów. Su fekkee dafa am lu waral xale bi wàñfi nàmp (xale bi feebar ak lu mu mën a doon), walla bañ a nàmp ab diir, yaay ji dafa war a ratt soow mi ngir am soowam mën a toll na mu tolloon.

Bala soow miy fiów dëgg ci weenu wasin bees wi, dina am ay fan, te ci diir boobu xale bi mën na fiakk ndox. Kon nañu ko jox ndox mu fiu jëkk a baxal 20 saa def ci tuuti suukar (2 bekki suukar mbaa 2 kuddu yu ndaw suukar cib kaas). Te fiu di ko faral di nàmpal ngir xëcc soow mi.

Cet

Ngir aar xale bi ci jängoro yu bare:

- Nañu topp ndigal ak sàrti cet yépp (43-70, LEKK).
- Bu góomu jumbax bi wéree, nañu sang xale bi ak saabu bu nooy (saabu neen bu ñuy sangoo, bu xeeñul) ak ndox mu nugg.
- Di aar xale bi cib sedd, waaye ñu moytu ko tegleel ba mu ñapp: yëre yi ñuy solal ab liir, du ñapp du yées li mag ñiy sol.

**Bu seddee nañu sàng
xale bi bu baax.**



**Bu tàngee, mbaa bu yaramu
xale bi tàngee, bu ñu ko sàng.**

- Bu amee ay weñ walla ay yoo, nañu ko takkal sàanke ci lal bi, mbaa sér bu woyof.
- Dindi leen laltaayi xale bi saa yu ñu taqe. Di leen gën a gaaw a dindi bu taat yi deretalee, mbaa sax ñu wecc ko mu ne dung ngelaw di ko upp moo gën.
- Nit ñu yoree ay góom mbaa metitu put, xurfaan, mbaa sëqat su bon su ñu fajul, waruñoo laal xale bi.

Jängoroy liir

MOYTU LEEN GARAB YI!

Garab yu bare lu aay lañu ci ab liir. Li gën mooy seeti doktoor saa yu nekk bala ñuy jox liir bi garab. Nañu moytu bu baax garab gi ñuy wax

koloramfenikol. Moytu itam sulfamid yi (Baktirim). Su ūnū ko waree jox ay antibiyotik, nañu koy taamoo jox ay ampisiliin.



Màndargay jàngoro yu aaytal cib liir:

- *Dëtt walla xet gu xasaw guy jóge ci jumbax bi mën na firnde tetaanoos* (xooleen xët 273, FAD).
- *Su fekkee ne ci fukki fan yeek juroom yu jékk yi, liir bi dafa bañ a nàmp tey jooy rekk,* loolu màndargay tetaanoos la, walla jenceen jàngoro ju bon. Nañu daldi dem wuti ndimbalu doktoor.
- *Yaram wu tàng lool* (ëpp 40%) aay na lool ci liir bi. Nañu summi xale bi ba mu set teg ko ay morso yu tooy (sedd). Nañu ko sang ak ndox mu nugg te jox ko aspiriin (xooleen jëlinu xale).

Nañu fexee xam lan moo waral tàngooru yaram wi; nañu seet ba xam du ség, te jox ko ampisiliin ak kolorokiin. Nañu seet ba xam ndax ñakkul ndox. Seddaayu yaram wu wàcc lool mën na tekki lu mëngoo ak liy waral yaram wu tàng (ség).

- *Kadd-kaddi.* Bu fekkee ne liir bi dafa am tàngoor, nañu ko wàccce ni ūnū ko waxe ci li ūnū weesu léegi. War nañoo yobbu xale bi ci doktoor. Xooleen tamit xët 559, FAD.
- *Su xale bi melee ni dafa wopp lool te doq gi lemu jém gannaaw,* mën na nekk li ūnū wax meninsiit (xooleen xët 278, FAD) walla tetaanoos (xooleen xët 273, FAD). War nañoo gaaw seeti doktoor.
- *Soj aki jàngoro.* Bare na lu ab liir di yomb a soj, loolu aayul te soxlawul ay garab. Waaye bu yaramu liir bi tàngee, mu bafi a lekk, du nelaw bu baax walla muy noyyi lu ëpp 40 yoon ci saa, ūnū xam ne jàngoro ju bon la. Li war mooy dem seeti doktoor.
- *Diisaay bi.* Bu xale bi amee flaari ayu-bés ba ñett te taxul mu yokku, war nañu ko yóbbu ci doktoor mu seet ko.

- *Nàmptal gi*



- *Ikter* (Bët yu mboq). Su nagu bëti liir bi mboqee te amagul ñaari fan mbaa gannaaw bu amee juróomi fan, mën naa doon ikter bu bon. Nañu seet ay mandargay jängoro te bu flu leen gisee nañu ko jox ampisiliin. Su bët yi mboqee lool, flu boole ci jox ko Fenobarbitaal: 5 mg/kg/bés (ci ping yiy jaar ci suux yi bu flu ko mënee def, su flu ko mënul flu jox ko ay doom mu naan).

Nañu dem seeti doktoor. Ikter bu woyof ci diggante ñaari fan ba juroomi fan gannaaw bu liir bi juddoo aayul.

Biir buy daw

Moo ëpp ci liy faat xale yi. Doomi jängoro yiy jaare ci gemmiñi fluo koy waral. *Ni fluoy moytoo biir buy daw, mooy fluoy moytu tilim di dugg ci gemmiñu xale bi:*

- Lalu xale bi mbaa pañeem na set.
- Yaayam war nay raxasu ak saabu tey raxas ween yi bala mu koy nàmpal.
- War nanu baxal bépp ndox mu xale biy naan, walla ndox mu fluoy defare ñiamam. Ndab yi itam noonu, kop yeek kuddu yi, biberon yi ak nàmpukaay yi, war nañu leen a baxal bala mu ciy lekk.
- War nañoo moytu weñ yi dal ci ñiam yi xale bi war a lekk.

Paj mi:

Bu ſu noppee jox ween wi xale bi, waaye nañu bâyyeendi flam yi ci des (lu mel ni meew ci biberon, ndoxi mefiñeef). Nañu ko jox ndoxum *serom* (xooleen xët 230, FAD), ndox mu ſu baxal 20 saa, te bañ cee boole leneen. Su ſu ci gisul tan gu gaaw, nañu ko yóbbu ci doktoor mu seet ko. Su ſu mënul a gis doktoor, te xale bi wopp lool, nañu sol xale bi ndox mi ſu tegtal ci xët 230, FAD.

XUCC

Du neewo bu aay, te fiaare day reesal boppam.


Mënees na ko yeew lëmës ko wërale te mu bañ a darj waaye taxul mu bari ci njarifñ lool.

Ngal ci jigéen

Ngalu ween walla ngalu njurukaay, wopp gu bon la; te war nanu cee gaaw a jogg. Du wér fiaare te xootiwiñu ko. Li ci war mooy daldi seeti doktoor booy yég lu mel ni donj.

Màndargay ngal ci ween:

- Jigéen ji dina yég donj wu tuuti ci ween wi.
- Léeg-léeg dina am càqar ci poqtaanam.
- Donj wu tuuti wi day màgg.
- Naare buy door, donj wi du metti, du tàng. Bu demee ba mu yàgg, mën na metti. (Kuy nàmpal bu yégee aw donj wuy metti te tàng ci biir ween wi, ci lu gën a bare sax murle la, 387, FAD).

***Nan la nit di seetale boppam ay weenam:***

Jigéen fiépp war nañoo jàng nan lañuy seetloo seeni ween ngir nemmeekú ay màndargay ngal. Benn yoon ci weer:



— Seetlu bu baax seeni ween ngir raññice ag ēppante walla ag woroo ci melo ūaari ween yi ndegam am na ci. Fexee seet māndarga yii ūu wax ci li ūu weesu.

— Ron njegenaaay walla mbajj mu ūu lem ci sa diggi gannaaw, tēdd ci kowam, lāmbatu say ween ak say cati baaraam. Bēs ween wi wēndeel ak sa cati baaraam. Tāmbalee ci cus bi di wēr, yéeg ba àgg ci poqtaan mi.

— Ba noppī, bēs sēsu ween wi te seetlu ndax deret walla dētt gēnnul.

Bu ngeen dajee aw donj walla meneen māndarga mu jaaduwul, war ngeen na dem seeti doktoor. Li ci ēpp, donj yu mel noonu ḫu doon māndargaam ngal, waaye seetlu ko bu gaaw ba mu wōor am na ci solo lool.

Māndargay ngal ci biir bi

- Ngal li mēnees na ko daj ci biir njurukaay gi, dencukaayu nen yi walla feneen. Mu ngi gēn a bare ci jigéen ūi am lu ēpp 40 at.
- Mēn naa jēkk a feefi ci ūakk deret mbaa xēppum deret gu ūu xamul lu ko waral. Bu demee ba mu yāgg, dinafu nemmeeku aw donj wuy metti ci biir bi.



Bu ūu xawee njort ne ngal la,
war nafluo dem seetlu seen bopp ci doktoor.

Pajum cosaan du ci mën dara.

Biir bu yàqu walla ēmb bu jubul

Biir bu yàqu walla ēmb bu jubul, mooy génnug xale bu matul ci biiru ndeyam (Daanaka du indaale bakkan mukk). Dina faral di am ci diiru fletti weeri ēmb yu jékk yi.

Li ēpp ci jigéen ūi, dinañu am gën gaa néew benn yoon ēmb bu jubul ci seenug dund. Naare duñu ko xam, waaye dañuy yaakaar ne mbaax mu jaarul yoon la te ànd ak lumbi deret. Xàmmee ēmb bu jubul am na solo lool ndax am na ci yu aay.

Jigéen juy xēpp deret te fekk mu toog lu ēpp weer gisul mbaax, mënees na wax ne ēmb bu yàqu lay war a doon.

Biir bu yàqu, dafa mel ni wasin: xale bi dafay génn ba noppi ànd bi génn. Xēppum deret mi mën naa dem ba kera ànd biy génn.

Faj mi:

Naare, bu xēppul deret, du ay jafe-jafe: dañoo war a def ni da doon wasin.

- Bu xēppee deret, nañu dem wuti ndimbalu saas faam.
- Jigéen ji dafa war a tëdd ba kera xēpp deret jiy taxaw, te mu tëdd noppalu diiru fletti fan.
- Bu xēpp deret mi mettec lool, mëneesul a ñakk a jéli ab saas fann ci lu gën a gaaw mbaa ūu yóbbu ndaw si cib loppitaan.
- Bu yaram wi tàngee mbaa mu am yeneeni màndargay jängoro, nañu ko faj ni ūuy faje jängoro ju topp ci wasin.

- *Fàggandiku*: tëdd noppalu ci lépp, te jël ay garab yu tere njurukaay biy fuddu bù flu gisee rekk ne looloo ngi yoot.

Yàq biir

Am na jigéen flu ëmb, te lu bare tax fluuy wut a yàq séen ëmb. Su ko defee, fluuy dem seeti ay nit flu leen di wax ne mën na flu leen a dindil biir bi, loolu di biir bu flu yàq ci ag teyeef.

Biir bi flu yàq wuute na lool ak biir bu jubul, te biir bi flu yàq mën na aay lool, rawatina nag bu ko nit ku ko mënul defee aki pexe yu wóoradi (te daanaka noonu rekk lay deme) te nekkul ci béréb bu am ay jumtukaay yu mat ci pexe.

Daanaka saa yu flu ko defee noonu, bàkkanu ndaw si xaj na ci. Xëpp deret mi mooy gën a metti ne bu doon biir bu jubul, te mën na rey ndaw si ci lu gaaw.

Jàngoro faral na lool di ci am, te fiaare mooy gën a bon ci jàngoro yi. Ndaw si mën na cee jële xeetu tetaanoos bu melokaanam aaytal lool. Mën na cee jële njurukaay bu xottiku mbaa mu far yàqu. Bu ci jigéen ji deewul, mën na cee jóge jaasir ba fàww (du mënatee am doom) walla mu jóge ci lu mu ëmb mu yàqu walla ëmbam mbaa wasinam doxe ca jafe.

Kenn warul di fexee yàq biiru kenn, donte sax yaakaar na ne xam na ni mu koy defe.

Doktoor bu xam liggéeyam rekk moo ko mën a def su ci waree, te tuy ci béréb bu am jumtukaay yu mat.

Mën nañoo xamal jigéen ffi bëggul a am doom nu flu war a def, ndax yàq biir du pexe (mu baax).

Bu jigéen juy doora yàq biir dikkee ci yeen te ame lenn ci jafe-jafe yii flu wax, li war mooy woo bu gaaw saas faam mbaa doktoor, te joxandiko:

- Benn pingu SAT (seroom antitetanik)
- Ay antibiyotik (ampiciliin, baktiriim)
- Bu melee ni ku toll diggante bu metti, xooleen xët 121, FAD.

Nan lanu war a def ngir am lim bi nu bëgg ci ay doom



Bare na waa jur yu yeewu ci jafe-jafe yi njaboot gu bare di indi:

- Bu fekkee ne ñemb dafa teel a am te fekk boroom ñemb biy nampal, dañuy daldi teel a feral lool xale biy namp te moona soxla na soowam ndeyam ba tey. Te loolu dina tax muy gën a gaaw a wopp, te bu woppee mu metti.
- Jafe na lool ci ku jaboot gu bare muy yar bu baax, solal bu baax tey dundal ni mu ware kenn ku nekk ci floom.
- Ñemb yu jegewoo lool dañuy néewal doole tey nasaxal jigéen.
- Lu jigéen di gën a màggat mbaa lu mu gën a néew doole, soowam di gën a néew: xale yu jegewoo yi ak xale yi muuji a juddu duñu namp ween ni mu ware.

- Am na limu wasin boo xam ne boo ci xasee yegg, ēmb boo ci tegati mën na aay ci yaw. Ēmb bu ci topp, loru gën laa yomb. Su ko defee teel a flakk yaay doon lu yomb a dikkal xale yi jiitu.
- Bu doom yi baree, bu flu xasee màgg, suuf si dootuleen doy ba ku nekk mën a liggeey ci toolu boppam. Fàww flu génn dem ci taax yi ngir mën a dund, te foofa liggeey dafay gën a flakk.
- Bu nit flépp dee am njaboot gu bare, fii ak ay at dëkkuwaay yi dinaflu xat, te nit fii dootuflu am fiäm wu doy wu flépp mën a dunde. Fii flu tollu, mbir moomu njàqare bu réy la ci waa àddina.

Bari na lu flu mën a def ngir moytu ēmb bu flu gënälul mbaa soreel njur. Dinaflu wax fii pexe yi gën a am njarifi ci waa àll bi.

Xayma gu digg-dóomu ci pexe yi flu yemalee am njur nangu

Ci 100 jigéen flu jefandikoo pexe mi...	Ci yoonal, fii ci mën a ēmb doonte flu ngi topp pexe mi	te flu waroon a bàyyi pexe moomu ndax ayjafe-jafe...
Per yi	1	2
Mbarum muslaay (kapot)	2	
Fegukaay	3	1
Puurit	5	
Jaasiral	2	6
Tuur maniwu ci biti yeew njurukaay gi	9	
Dugal epoos ci kanam gi	7	3
topp bési mbaax yi	7	Bu flu boole ñaari pexe yi
sel	7	5

Bu flu takkee siddiit yi nen yi jaar, ay jafe-jafe dinaflu faral di feef ci bu flu koy def, waaye pexe la mu dul deñati mukk. Jigéen ji dootul mën a am doom mukk.

Per yi

Fii ſhu tollu, mooy pexe mi gën a woor ngir moytu biir, ci kow ſhu di ko jël ni mu ware. Doktoor moo ko war a digle.

Dees na ko joxe ciy defukaay yu tappandaar yu 21 mbaa 28 per. Yu 21 per yi ſoo gën a yomb te njëg gi wuute, mu aju ci kër ya ſhu leen di defare.

Nan lañuy jële per yi (Defukaay yu 21 per)

Per bu jëkk bi ſhu ngi koy jël ci juróomeelu bésu mbaax(*) ca ëllëg sa nga naan beneen per, te toppalante ko noonu, bés bu nekk, ba kera defukaay biy jeex. Bu jeexee, dees na toog baſi a jël per diirub juróom ſhaari fan, door a tambaliwaat beneen defukaay. Kon per yi diiru ſietti ayu-bés yu tegloo lañu leen di naan, ba ko ſleenteel deesu leen naan. Ci yoon, ci biir ayu-bés bi ſhu naanul i per lañuy gise mbaax. Bu fekkee ne sax gisuloo mbaax ci biir juróom ſhaari bés yi nga naanul, ba tey du la tee tambali defukaay bu bees, gannaaw bu juróom ſhaari bési jëlal yi wéyee.

Farlu bu baax ci jël per yi ni ſhu ko diglee, am na solo lool ngir moytu ëmb: benn per bés bu nekk. Su fekkee ne fatte nañu jël benn bés, faww bés ba ca topp ſhu jël ſhaar()*

Amul wenn ſiam woo war a baſi a lekk bu fekkee ngay jël per yooyu; boo woppee sax, mbaa nga soj, mbaa leneen, du la tee naan per yi. Am na jigéen ſoo xam ne bu ſhu y door a jël ay per seen xel day teey mbaa yeneen wéradiq ëmb di leen dal. Waaye ſhaare, bu ſhu demee ba mu am ſhaar ba ſietti weer, mu bàyyi leen. Mén nañoo jël Pirimperaan walla Wogalen ngir aar leen ci xel mu teey.

Per yi y soreel am njur, garab lañu ni yépp, am na ay nit ſhu mu mën a indil ay wàffleent. Loolu moo tax bala ko kenn di tambali, li gën mooy mu laaj Doktoor, ndax am na ciy jigéen ſhu mu gënul ci ſoom.

Per yooyu duñu indi jaasir ci jigéen naka ſhu bare xalaate (saa so ko bàyyee mën nga ëmb) te duñu joxe ngal.

(*) Moytaleen ndax du lu war ci per yépp, nañu jàng bu baax ni ſhu ko war a jefandikoo.

Bu loolu mënul a nekk, nañu xam lii:

Kan moo warul a jël per yi ngir yemale ag njuram?

Jigéen ju ame benn ci mändarga yii *warul a jël* ay per walla mu pingu garab yuy teree ēmb:

- *Metit wu tar mbaa wu yeex a dal ci tank walla ci ndigg.* Siddiit gu ràcceeku mën na ko waral (walla deret juy way wayin wu jaaduwul). Bu fii jël per yi. (Jigéen ñi ame ay rew (waris) te taxul mu rocciku mën nañoo jël ay per te du leen gaañ. Waaye war nañu ko bàyyi bu siddiit yi tambalee rocceeku).




• *Ni ame jéll.* Jigéen ju ame jéll (438, FAD) ak bu mu ci mën a doon war na bàyyee jël ay per.



- *Payiis (251, FAD), ngalu res (440, FAD), walla jeneen woppi res.* Jigéen fii lenn ci yooyu mas a dal walla fii seeni bët mboq bu fii ēmbee, warufloo naan per yiy yemale am njur. Ku mas a payiis, li gën ci moom mooy mu moytoo naan luy teree ēmb diirub at gannaaw bu wéree.

• *Ngal.* Bu ngeen amee mbaa ngeen njort ne da ngeen a am ngal ci ween mbaa ci kanam, bu leen jéfandikoo per yiy teree ēmb. Bala ngeen koy tambalee jël, seetlu leen bu baax seeni ween. Am na ci yenn bérébu fajukaay, yu ūn leen mën a seetale ci lu gaaw ndax dangeen a ame ngal ci buntu kanam. Per yi du tax nga am ngal. Waaye bu la fekkee nga ame ngal ci ween mbaa ci kanam ba noppi, mën na ko yokk.



• *Jigéen ñi ame jabett, tee ñaayu siddiit bu ēpp, ñi seen deret niin ba mu ēpp warufloo naan per yooyu.*

Am na ay wéradi yu per yiy yemale am njur mën a yokk. Bu leen ci benn dalee ak bu mu mën a doon, li gën mooy, ngeen seet meneen pexe, bu mënee am:

- *Metitu bopp* (xët 264, FAD). Jigéen ñi yor metitu bopp wu tar warufloo jël per yi. Waaye metitu bopp wu aspiriin di dalal du teree jël i per.
- *Woppi xol* (xët 482, FAD).
- Jigéen juy nàmpal warul di naan per yooyu, ndaxte dafay wàññi soowam te dafay dem ci soow mi.
- Jigéen ñi am lu ēpp 40 at, jigéen ñi am yaram lool, fiuy tóx lu bare, war nafloo seet meneen pexe.
- Bu ngeen amee asma, sëqat su bon, mbaa ngeen di daanu, li gën mooy ngeen dem seeti doktoor bala ngeen a jël per yi. Waaye ba tey, li ēpp ci jigéen ñi ànd ak wopp yooyu, mën nafloo jël per yi te du aay ci floom.

FAGGANDIKU YIY WAR A AND AK PER YIY TEREED EMB

1. Weer wu nekk, seetlu
leen bu baax seeni ween
baaxam ndax amul donj
mbaa menn mandargaam
ngal.

2. Juroom benni weer
yu nekk na ngeen dem
flu nattal leen seen
teeqayu siddiit.



Bàyyi leen bu baax xel ci gépp wéradi gu bokk ci yi flu leen wax ci xët
xët 409 ak 410, FAD, rawatina ci yii:

- metitu bopp yu bon tey faral di fiow;
- miir ak metitu bopp mbaa xëm guy indi gis-gis bu nàqari mbaa wax
ju nàqari, mbaa tëlee yëngal genn wetu xar kanam mbaa genn wetu
yaram, (xool leen ci *fattug siddiiti yuur*, xët 438, FAD);
- Tànk buy metti te deretal (mën na am tuy deret ju way ci biir);
- Metit wu tar mbaa tuy faral di fiow ci dënn bi (xool leen *wéradiy xol*,
xët 436, FAD).

Bu benn ci wéradi yooyu feénee, nañu bàyyi per yi te dem seeti doktoor.
Nañu fexe seet meneen pexe ndax wéradi yooyu mën nañu tax wasin
saaytal lool.

AY LAAJ AKI TONT CI MBIRUM PER YIY TEREE ËMB

Am na flu yaakaar ne per yi dañuy joxe ngal. Ndax loolu dëgg la?

Déedéet! Waaye bu la fekkee nga am ngal ci ween mbaa ci kanam, per yi dañuy gaawal màggug donju ngal gi.

Ndax kuy jël ay per mën a amaat ay doom bu ko bâyyee?

Waawaw. Léeg-léeg du fiakk toog benn ba fiaari weer bala moo ëmb.

Ndax flu yjel per yi flu gën a gaaw a am ay seex mbaa flu am doom yu judduwaale laago?

Déedéet! Kiy jël per yi ak ki ko duj jël yépp flu bokk yem ci lu leen mën a dikkal ci ëmb.

Ndax dëgg la ne jigéen juy nàmpal, ay weenam dufiu am soow bu tàmbalee jël ay per?

Du noonu ci jigéen flu bare. Waaye am na ci flu yam tuuti soow mbaa du am soow mbaa du am dara sax, bu flu tàmbalee jël per yi, tey nàmpal. Moo tax, li gën ci kuy nàmpal mooy mu def meneen pexe muy teree ëmb ba kera doomam di am 6 weer mu doora tàmbale jël per yi.

Ku bëgg am xam-xam bu gën a yaatu ci ni flu yàtan per yiy teree ëmb, seetal ci mujjantalu téere bi, 575, FAD.

Jaasiral (D.I.U.)

Benn jefendikukaay la bu palastik mbaa leneen, te doktoor di ko dugal ci kanamu jigéen. Ci yoon, feek jumtukaay boobu mu ngi ci kanam gi, ndaw si du biir. Am na jigéen flu gënne këf ki, am na flu mu jubbuwul; waaye bare na jigéen flu ko mën a yor bu baax. Jaasiral ji mooy pexe mi gën a néew njëg, te gën a yomb ci yépp, ci ku mu jig.



Liy sikkam mooy dafa gaaw a indi jàngoro. Loolu moo tax képp ku flu defal ab jaasiral war nay báyyi xel ci bépp mändargam jàngoro (weex-weexi, metit, nàcc-nàcc) te faj ko. War na dem seetlu boppam fiaari yoon ci at mu nekk. Neeti at yu nekk flu defal ko beneen jaasiral.

Pexe mii fii waruñu ko jarifñoo:

- Jigéen fii masul a am doom;
- Jigéen fii am jàngoro ci seen njurukaay;
- Jigéen fiiy doora wasin walla fiiy door a am ëmb bu yàqu (fii nafiu seet meneen pexe ba ca kanam);
- Jigéen fii am jàngoro ci kanam, feek jàngoro ji fajuñu ko ba mu wér;
- Jigéen fii seen mbaax awul yoon (mbaax mu ànd ak metit wu ëpp, mbaa deret ji bare lool mbaa flu y xëpp deret te gisufiu mbaax).

MBARUM MUSLAAY

Lu mel ni mbuus la muy tåwwi ku flu
defare ko kawsu te góor di ko sel balaa
ànd ak jigéen.

Pexe la mu baax ngir bañ a ëmb, tax ci
dolli dina aar góor ci feebar yi y tukke ci
séy, maanaam sidaa (xooleen xët 55).

Mënees naa jënd ay jënd ay mbari
muslaay ci farmasi yi. Mën nanu ko
ame ci yeneen béréb (yu mel ni ay
sàntaru palaani familiyaal, kér yi flu
aare ak toppatoo ndey yeek xale yi
walla sàntaar yi flu faje jàngoroy
séy,...).



Mbari muslaay bu nekk dafay ànd ak ëmbam. Waruñu ko denc fu tàng walla fu guus (tooy), lu ko moy du amati njariñ. Dañoo rataxal lu ci bari ci xeeti mbari muslaay yi. Su ni demewul, war nanu jënd diw gi koy rataxal mbari muslaay te bañ a jëfandikoo waslin walla beneen xeetu diw bu jóge ci petarol ndaxte dañuy yàq kawsu bi.

Duñu jëfandikoo mbari muslaay bi lu dul benn yoon, te na fiu ko sànni bu fiu ko jëfandikoo ba noppi.

Fegukaay (diaphragme)

Dafa mel ni laytan gu ndaw gu fiu defare kawsu te jigéen di ko dugal ci kanamam bala muy ànd ak góor. Bala moo nangu fiu boole kook diw wu fiu tånn wu ànd ak moom. Fegukaay bi doktoor a ko war a digle gannaaw bu nattee ndaw si ba noppi. Pexe la mu wóorul te neexul a jëfandikoo, waaye njëg gi jafewul.

Puurit (mousse), garab yi y rey doomi maniwum góor

Ci ay buteel lay nekk; jumtukaayam lay àndal, ndaw si dafay dugal puurit mi ci kanam gi lu mat waxtu laata muy ànd ak góor te bu seyee ba noppi, mu bàyyi ko ci diirub juróom benni waxtu. Am na it ay doom yu fiuy dugal ci kanam mbaa ay diw yoo xam ne, bu fiu leen jëfandikoo ni mu ware dinanu baax lool, waaye seen njëg dañoo jafe lool ba mëneesuleen a faral a jëfandikoo.



Nàmpal

Jigéen juy nàmpal néew na lu muy ëmb, rawatina nag bu fekkeé né soowam rekk la doom jiy dunde. Dinay gën a gaaw a ëmb bu doom ji amee 4 ba 6 weer, bay tàmbalee lekk booleek ween wi. Kuy nàmpal war naa def meneen pexe mu muy yemale am njuram bu doomam amee 3 ba 4 weer ngir mu wóor ko ne du biir. Lu mu gën a teel a tàmbale, moo gën. (Bala xale bi di am 6 weer, meneen pexe mu dul ay per yuy teree ëmb lañu taamu ndax li mu am ay jigéen flu muy wàññi seen soow.

Di génne lu jiitu ngay wàcce

Moo gën neen, waaye naqari na lool, te di pexe mu wóoradi; ay doomi maniwum góor mën nañoo rëcc bala ku góor kiy rocci sakaraam.

Pexe miy topp bési mbaax yi (taxul mu wóor)

Pexe mu wóorul lool la, waaye li mu tanee mooy du lu ñuy jënd. Ci jigéen fli seen mbaax yem képp rekk la baax, fiy gis mbaax 28 fan yu nekk te du moy, te fekk seen jékkér itam ànd ci nangoo ñakk a séy ak floom benn ayu-bés ci weer.

Jigéen ci 8 fan rekk la mën a ëmbe. Juróom fletti fan yooyu ñu ngi tollu ci diggu diggante mbaax ak moroom ma, tàmbalee ci fukkeelu fan gannaaw ba mu gisee mbaax. Ku bëggul a biir, warul a ànd ak góor diirub juróom ñetti fan yooyu. Lu wees juróom fletti fan yooyu, jigéen mën naa séy te du biir.

Li mën a teree juum ci bés bi juróom ñetti fan yooyu di tambali, mooy nga bind leen ci arminat.

Bu ſiu jappee ne jigéen gis na mbaax mu tambale ci 5 fan ci weeru me.

Nu bind ko ci arminat bi.

Tambalee waññi ci 5 me ba muy, fukki fan nga dale ko ca fukkeel baak benn rëdd ca suufu juróom fietti fan ya ca topp:

**NDAW SI WARUL A AND AK GÓOR
DIIRUB JURÓOM ÑETTI FAN YOORYU.**

Bu gisaatee mbaax ci benn fanu weer suwen na ko bind ci arminat:

Waññiwaat tambalee ca benn fanu weeru suwen ba muy fukk, dale ca fukkeel baak benn rëdd ca suufu juróom fietti fan ya ca topp; diirub juróom fietti fan yooyu, mu rëdd warul a tëdd ak jëkkeram.

ME						
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

SUWEN						
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

Bu ſiu farloo ci bés yooyu ſiu warula and, ſoom ſhaar mën nañoo nekk ay at te seenug am doom di soreyoo.

Waaye feek yaa ngi nàmpal, mëneesula topp pexem bësi mbaax yi ndax diggante mbaax ak moroom ma du doon benn ci kuy nàmpal.

JAASIRLOO

Ni bëggatula am doom, am nañu ay pexe yuy laaj xotti aw yaram, yu woor te yomb ngir góor ak jigéen. Am nay reew yu ſiu koy defal nit fi te deesu ci fey dara. Laaj leen nu muy demee ci seen bérébu fajukaay.

Ni pexe moomu di deme mooy, dañuy dog walla yeew mbaa ſiu fatt solom yi yiy neni jigéen di jaare, mbaa ci góor solom yi doomi maniwu yi yiy awe, loolu kon dafay tax doom dootul sosu mukk.

Pexe yooyu jotewuñu dara ak ngóora mbaa banneexu séy, ndax du tax lenn wàññiku ci.

Waaye pexe moomu lañu war a mujje, bu wóoree nit ki ba mu mat sëkk ne bëggatul a am doom; ku mel ni jigéen ju mën a ñakk bakkanam bu ëmbatee.

Ay nit mën nañoo xalaat ne bëggatuñoo am doom, waaye seenug dund mën naa soppiku bés, mbaa mu deme nu ñu ko foogewulwoon ba tollu fu mu ne jamono seew a amaat doom. Lu mel ni: Jigéen mën a ñakk doomam yépp ci am mbas ba tax mu bëgg yeneeni doom. Jigéen mën na tàggoo mbaa jëkkëram dee, mu séyaat. Bu ko defee mu bëgg a am ak jëkkér ju mujj ji ay doom. Walla sax àddina naqari woon ba tax jigéen bëggatula am ay doom, dellu tane ba mu bëggati doom.

Te li ciy jigéen moo di li ciy góor. Nit ki war na xalaat bu baax bala muy def pexe mu dul deñ. War ngeen ko cee dimbali te won ko lépp li ciy topp, te ne ko li gën, su mënee am mooy, mu seet meneen pexe.

PING YI

Liy teree ëmb am na ay pingam. Ñaare dees na ko pingu wenn yoon 3 weer yu nekk. Léeg-léeg jigéen pingu ko jóge ca dootul mënatee am doom. Moo tax jigéen ju bëggatul a am doom rekk moo ko war a pingu. Ping yeek per yi yree ëmb fiyo niróole wéradi yi yànd ak ñoom ak fagaru yi ñu leen war a boleel.

Ping yi yree biir am, am nañu njariñ ci jigéen ñi mu
*wóor ne bëggatuñoo am doom te mënuñoo def
 meneen pexe, rawatina bu dee kuy faral di
 fattee jël per yi mbaa mu am leneen lu tax
 mënul a naan per yi.*



Sidaa ak Cuugri (Kolera)

SIDAA (jàngoro jiy waññi kaaràngeg yaram)

Sidaa jàngoro ju metti la juy wàlle soqikoo ci xompteef gu nu mënul a gis ak sunu bët, te fiu di ko wax "wiris." Am na ci réew yu bari ci àddina, mu ngiy gën a yokku, tey rey ay junni yunni nit.

Sidaa day waññi sunu dooley yaram ci xeex bi sunu yaram di xeex ak jàngoro yi. Nit ku am Sidaa day gaaw a wopp, tey ànd ak jàngoro yu bari yu mel ni biir buy daw, woppi noo, mbaa jàngoroy der yu metti lool ñi ëpp, ci ñi am sidaa, yeneen jàngoro yi ciy wàll si ñoo leen di faat ndaxte seen yaram du mën a xeex ak jàngoro yooyu.

Sidaa ngi wàlle jaare ci deret, mbaa maniwum góor, mbaa tooy-tooyi kanamu jigéen. Day jóge ci nit ku am doomu jàngoro ji dugg ci yaramu keneen.

Mën nanu am sidaa (Ni ñu mën a ame sidaa mooy nii):


1 - Su fekkee ne séy nanu ak nit ku yor doomi jàngoroy sidaa.

Nit kuy faral di (séy) ak nit ñu bari, moo gën a yomb a am sidaa. Waaye, séy donte benn yoon la ak nit ku am sidaa mën naa tax a am sidaa.

2 - Ci deret ju sellul (ju am doomi jàngoroy sidaa):

- ci sol nit deret ju sellul;

- pikiiru te reyuñu doomi jàngoro yi (fiy jëfandikoo xabtalukaay yi fiy pikooroo te di ko abalante muccuñu ci jàngoro ji);
- bépp jumtukaay buy dagge (maanaam ay watukaay walla ay jumtukaay yu fiuy xarafale góor mbaa jigéen) te reyuñu doomi jàngoro yi.



3 - Jigéen ju am jàngoro ji mën na koo wàll doomam ci biir ëmb bi. Boo doon seet, fanweer ba juróom fukki jigéen ci téeméer yu ëmb te am jàngoro ji wàll nañu ko seeni doom. Naare xale bi fiu wàll day gaafiu balaa muy am juróomi at.



Lu am solo: Mën ngeen a jéle doomi jàngoroy sidaa ci kuy niru ku wér. Li ci ëpp, bu jàngoro ji dugge ci yaramu nit ki, dina toog ay weer walla ay at bala muy feefi, waaye ba tey du tere nit ki wàlle doomi jàngoroy sidaa jaaralé ko ci séy mbaa ay pikiir walla ay puso yu fiu bokk. Dinanu woowe nit ku am doomi jàngoro ji "seropositif."

Sidaa du wàlle ci biir jëflante yi fiuy faral di jëflante bés bu nekk: noonu, mën nanu nuyoo, bokk dëkk, fo, lekk, liggéeyandoo ak ay nit fiu am jàngoro ji. Sidaa du wàlle ciw fiäm, ci ndoxi naan, ciy gunóor (yoo, weñ...), ay wanag, ay ndab, ay yëre. Kon ber ki yore jàngoro ji du jarifi dara.

Màndarga yi

Bu jängoro jiy door, du feefi bu baax ci yaramu nit ki, li ci gën a bari da koy jékk a japp diir bu gatt te kenn du ko seetlu.

Sidaa ni muy feeñe ci nit fii wuute na. Li ci ëpp, day mel ni yeneeni jängoro, waaye ba tey day gën a metti, te gën a yagg. Su jängoro yu bari àndee feefi te nit kiy gën a wopp, mën na am dafa ame sidaa (waaye war nañu seet deret ji ngir mën cee xam lu woor):

- yaram wi day gën di jeex. Fukk dina waññiku ci téeméer bu nekk ci nattu diisaayam;
- Biir buy faral di daw, lu ëpp weer, di faral di dem ak a dikk;
- yaram wuy tång lu ëpp weer.

Nit ki mën naa feefial it benn mbaa yu bare ci mandarga yii:

- Sëqët su metti suy ëpp weer;
- Ay èr (xooleen xët 335, FAD);
- Ay càqar fu nekk ci yaram wi;
- Ay picc yuy xasan;
- Ay soccett walla ay góom yuy law te naqaree faj, rawatina yi ne ci wetu kanam gi ak suuf gi;
- Coono bu dul jeex.

Lu bari ci mandarga yii mën nañoo bokk ci jängoro yu bari te wuute. Looloo tax mënñu ne kii daa am sidaa te seetuñu deretam.



Fii ci Afrik, dinanu faral di tudde sidaa "jängoroy rågg ji" ndaxte bu jängoro ji gënee metti, nit ki am sidaa day dem ba jeex lool.

Paj mi

Amagufiu garab yuy faj sidaa (mu di ci pajum doktoor walla pajum cosaan). Waaye mënees naa jox nit fi am sidaa, ay garab ngir dimbali leen ci jängoro yi muy àndal.

- ci biir buy daw bi, ay naan ngir dolli seen yaram ndox (xooleen xët 230, FAD);
- ci ër yi, jëfandikooleen "violet de gentiane" (xooleen xët 335, FAD);
- ci soccet yi, jëfandikooleen (acide bikoloyasétik walla podofilin) (xooleen xët 292, 359, 309, FAD);
- ci tångooru yaram wi, naan leen ndox mu bari, aspirin, te sangu ci ndox mu nugg ngir wàcce tångoor wi (xooleen xët 119, 120, 121);
- ci sëqat si walla pënëmoni, naan leen ay garab yu am doole yu flu naan àntibiyotig (xooleen xët 251, FAD).

Kon jarul nuy ber fii am sidaa flu dëkk walla flu yuy tëdd fluoom rekk. Seen der walla seen noo du wàlle. Waaye fii ci am tångooru yaram wu metti, walla biir buy daw, mbaa ay coono soxla naflu paj mu baax. Ca kërt ga, njaboot ak xarit yi war naflu di taxawu ak di dimbali fi am sidaa ugir flu mën a xeex ak jängoro ji.

Aaru ci Sidaa

- Ba lëegi amagunu fiakku sidaa.

Nan lanuy moytoo feebär yiy tukke ci séy?

- Mën nga bañi a séy;
- walla nga séy ak kenn ku maandu, te it nga maandu yow ci sa bopp;
- walla nga jëfandikoo mbarum muslaay mi, su fekkee ne xalaat nga ne sa moroom dafa yore jängoro ji (xooleen xët 50);
- bul séy ak ay nit flu yemul ci kenn, flu mel ni ganc yi.

Nan lanuy moytoo wàlle giy bawoo ci ay jumtukaay mbaa deret:

- Buleen nango pikiru te wóoruleen ne sellal naflu jumtukaay yi. Ni y faj waruñoo jëfandikoowaat puso walla pikir te sellaluñu ko;

- buleen pikiiru ay xabtalukaay. Su ngeen ko mënula ñàkk a def, na ngeen moytoo àbb mbaa able puso walla pikiir, lu dul suñu leen raxassee ci wordu sawel, walla flu baxal leen lu mat ñiaar fukki saa;
- biral ne jumtukaay yi fiy jëfandikoo ngir jongal, bënni nopp, gäjj walla yeneeni baax yu mel ni xarfal jigéen, jaasal nafiu leen;
- su mënee nekk, bañi a nangu deret ju flu seetul bu baax, walla jëfandikoo deretu kenn ci sa njaboot (waa kér) walla sab xarit boo xam ne wðor na le ne yorewul doomi jängoro ji (waaye seet deret ji rekk moo ko mën a leeral).

Nan lanuy moytoo wàlle gi ci diggante yaay ak doom

Jigéen ju yore sidaa war na xam ne su ëmbee, mën naa wàll doomam jängoro ji, moo tax li gën mooy, mu moytoo ëmb.

Sàmm leen seen wér-gu-yaram ci lekk gu baax, te bañi a naan sàngara, bañi a tóx, te bañi a jëfandikoo ay xabtalukaay, tey nopaliku bu baax. Nit ku wér péññ la sidaa di gën a yeex a daane doonte kon doomi jängoro jaa ngi ci yaramam.

Naare mënees naa toppatoo nit ku am sidaa te du la wàll. Wànte ngir moytu doomi jängoro ji law, am na lu flu war a fattali, muy:

- Yëre yi ak darab yi (laltu yi) ak sarbet, yu tilim mbaa yu taq deret, mën nafioo lawal doomi jängoro ji. War nafiu teeylu ni flu leen di yoree te xooj leen ci ndox mu nu wordu sawel lu mat ñiaar fukki saa walla baxal leen lu mat ñiaar fukki saa.
- Gaafì-gaafì yu wunni walla yuy nàcc mën nafiu joxe doomu jängoro ji su flu laalee seen deret. Te it, su mënee nekk, solleent ay gañ (mbuus) yu kawusu walla yu palastik ci seeni loxo, tey faral di raxasu su ngeen di faj.

Cuugri

Jàngoroy biir ju bon te metti la ju bawoo ci doomu jängoro juy yëngu, mel ni kos te tubaab di ko wooye "wibiriyon kolerik."

Benn ba juróomi fan gammaaw ba mu wàllée, jängoro ji day *daldi ñów ak doole ànd ak biir buy daw bu dul jeex*: day bari lool, ndoxe, ànd ak waccu. Liy génne ci biir biy daw day xormbet mel ni sebetu ceeb, ki

wopp dina dem wanag fukk ba téeméeri yoon ci bés bi, te du dakk, loolooy tax muy ñakk ndox mu bari ba mujj mu jeex lool.

Nakkum ndoxu yaram dina tax ki wéradi dooleem waññiku, bët yi xóot, baat bi dee ak ay cér yuy faral di bañ, ba noppi der bi du gaaw a delu soo ko dompee, te catu cér yi day sedd. Noo gi day gaaw, teeñaayu siddiit yu wàcc lool.


Gën gaa néew tangooru yaram wi dina wàcc ba 35°, te sunu ko fajul, ki wopp day xëm, te 60 ci téeméer bu nekk dañuy dee.

Biir buy daw bu metti ànd ak waccu tey rey mag ci ay waxtu, daanaka cuugri rekk lay doon.

Am na yeneeni xeeti cuugri yu mettiwul tey ànd ak biir buy daw bu aayul lool tey wéral boppam. Cuugri bu aayul bii, moo gën a bari te gën a gaaw a wàlle, ndaxte fii muy dal dañuy tasaare doomi jàngoro ji te kenn du ko foog, bu mbasum cuugri amul.

Ba tey nit a ngi wér, biiram dawul sax, te teewul mu ànd ak donji jàngoro ji, di ko tasaare.

Wàlle gi: Wàlle gi mën naa am bu gaaw jaare ci laal ku am cuugri walla néewam, rawatina ci ndox yi nuy naan ak fiäm yu ñu toggul (jën rawatina ay fiäm i geej yu bawoo ci ndox mu setul te fiu lekk leen noonu walla toggüñu leen ba ñu ñor). Payteef yu méfiñee ci tosu joñkon walla fiu raxas leen ci ndox mu setul mën nañoo jur jàngoro ji. Weñi bokk na ci li koy indi.



PAJ MI (ndigali kurélu mbootaayu xeet giy toppatoo wér-gi-yaram "OMS"):

Li ēpp ci ñi yore cuugri mënees na leen a faje garabi ndox yu fiuy naan. Ndox moomu mën naa nekk njaxasu xorom su fiu defar ba noppo, te yomb a jēfandikoo, te tey delloo yaram wi ndoxam, te nu leen di naan (ñu di leen wooye S. R. O. "sel de reyidaratisayoŋ oraal" xorom su may ndox) waaye day dikke lu jafe. Ba tey mënees naa jaxase suukar ak xorom ci lu yomb. Dangay jēl benn liitaru ndox mu nu baxal 20 saa, yokk ci juróom ñetti bekki suukar ak kuddub xorom bu ndaw bu mokk.

Ci cuugri yi gën a metti, dangay jël ay "àntibiyotig" (ay garab yu am doole tey rey donji jängoro ji) dina wàññi biir biy daw, ak diir bi yaram wiy génne ay donji jängoro. War nañuy naan àntibiyotig yi saay yu waccu mi dakkee. Àntibiyotig yi fluu pikiir fluu gën a jafe njëg te yóbbuluñu dara yi fluu naan.

Àlluway Àntibiyotig yi nuy jëfandikoo ngir faj cuugri:

	Ni nu koy jële	
	Ndaw	Mag
Àntibiyotig yi gën		
• Tetarasikilin 4 yoon ci bés bi ba mu mat 3 fan	12,5mg/kg bu nekk	500mg
• Doksisilin benn yoon rekk	xale waru ko jël	300mg
Garab yi leen di wuutu (su doomi jängoro yi éppée doole Tetarasikilin bi)		
• Firaasolidon 4 yoon ci bés bi ba mu mat 3 fan/mbaa	1,25mg/kilo	100mg
• Tirimetopirim (TMP - Sulfametoksasol (SMX)) 2 yoon ci bés bi ba mu mat 3 fan	TMP 5mg/kilo ak SMX 25mg/kg bu nekk	TMP 160mg SMX 800mg SMX 800mg
Mën nañoo jëfandikoo ba tey Eritoromisin ak koloràmfenikol su beneen ci àntibiyotig yi fluu digle amul.		

Ni nu war a def ak ku nu wóoluuwul!

- ber jarag ji;
- def joñkon yi, waccu yi, saw yi ciy ndabi ndox yu am wordusawel
benn nattub wordusawel ci flaari natti ndox, walla yu am Ipokolorit
bu kalsiyóm walla beneen garab bu ngeen am buy rey doomi jängoro;
- jéem a jox jarag ji muy naan. Raxas seeni loxo bu baax saa yu ngeen
laale jarag ji.
- Woo doktoor ci lu gaaw.

Fàggú gi jiitú mooy sàmm ag cet

Cuugri fi mu gën a yab mooy fi seen am-am néew te sàmmuñu sart yi jiitú ci wàllu cet.

a - Matukaayi *cet ci wàllu lekk*

— ndoxu naan dafa war a sell

- Segg ko def ci koloor; wordusawel dina setal bu baax te dinañu ko jéfandikoo ngir sellal am ndox. War nanoo def 4 toqu wordusawel ci liitaaru ndox bu nekk, jaxase ko, bàyyi mu dal lu mat 20 saa walla lu ko ëpp balaa nu koy jéfandikoo.
- walla fiu baxal ko bu baax (doomi jàngoroy cuugri yi dinañu dee ci ay "ségond" yu néew gannaaw bu baxee). Jéfandikoo **ndox mi ci ndab li nu ko baxale.**

— Lekk fiam yu fiu togg ba fiu fiør.

Buleen di teel a togg ay fiam yu ngeen lekkagul te buleen lekk lu fiu tångalul, ndaxte weñ yi mën nañu cee def doomi jàngoro ji. Muur fiam yi bu baax ak lu set. Raxas seeni loxo bu baax ak saabu bala ngeen di laal aw fiam. Góor-góorluleen it ci cetu ndab yi ngeen di togge. Moytuleen fiam yu fiørul yi jóge ci gànçax yi, lu dul yi fiuy xolli.

b - Cetu yaram

Ngir moytu biir yiy daw, na ngeen raxas seen loxook ndox ak saabu balaa ngeen di defar aw fiam, balaa ngeen di lekk ak bu ngeen demee wanag ba noppí.

c - Cetu njaboot gi

- Féetale wanag yi fu fiu dul jote dara ak teen yi, te jéfandikooleen ci nu fiu leen dul tilimale;
- Di sàkkal mbalit yi pexe.

Fàggú ba mbas yiy bañ a law

Su jàngoro ji feefie cib gox, war nañoo gën a góor-góorlu ci jéle fa lépp lu tilim tey jóge ci nit, tey sàkku ndox mu sell ak fiam yu sell. Yar nit fi te yee leen ci liy indi jàngoro jeek ni fiu koy meytoo.

Téere bii nag dafay waxtaan ci mbirum:

- Baaxu jigéen
- Êmb
- Màndarga yu aay yi cib êmb
- Wasin gi
- Pajum liir bi
- Ngal ci jigéen
- Biir bu yàqu walla êmb bu jubul
- Nan lañu war a def ngir am liim bi ñu bëgg ci ay doom
- Sidaa
- Cuugri (kolera)

Ay saar la yu ñu jukkee ci téere ENDA bu tudd Fu Amul Doktoor.

Bi flu y tekki saar yli ci wolof, ki ci jublu--maanaam

Mme. Susie Murzynski-te jubboo ceek ENDA dafay wone yéene ji mu am ngir may nit flu bari ñu jot xabaar yu am solo te mën a yokk seen wér-gi-yaram ak seen dundin. Yeneen saar yu ñu jukkee ci benn téere bi te nu tekki leen ci wolof flu ngi waxtaan ci mbirum:

Ian lanu war a lekk ngir am wér-gi-yaram ak pajum

fàggu, nan lanuy moytoo jàngoro yu bari? Téere bi

êmb saar yooyu dina jàppandi ci ndoorte weeu desambar 1999.

Ce livret traite des sujets suivants:

- Les règles
- Grossesse
- Signes de danger pendant la grossesse
- L'accouchement
- Les soins du nouveau-né
- Le cancer chez la femme
- Avortement spontané ou fausse-couche
- Que faire pour limiter le nombre d'enfants que l'on veut
- SIDA
- Choléra

Il s'agit des chapitres extraits de la publication d'ENDA La Qu'il n'y a pas de Docteur.

En traduisant ces chapitres en wolof, l'initiatrice de cette démarche—

Mme. Susie Murzynski—en accord avec ENDA, manifeste la volonté de permettre à un plus grand nombre de personnes d'avoir accès à des informations essentielles, susceptibles d'améliorer leur santé et leur condition de vie. D'autres chapitres, extraits du même livre et traduit en wolof traitent de: **Que consommer pour être en bonne santé et médicina préventive: comment éviter de nombreuses maladies.** Ce livret sera également disponible en début décembre 1999.